

四庫全書薈要

• 乾隆御覽本

經部

欽定四庫全書會要

經部

禮記注疏卷

四十

詳校官編修臣程嘉謨



禮記注疏卷四十

漢鄭氏注 唐陸德明音義 孔穎達疏

雜記上

諸侯行而死於館則其復如於其國如於道則升其乘車之左轂以其綏復注館主國所致舍復招魂復魄也如於其國主國館賓予使有之得升屋招用褻衣也如於道道上廬宿也升車左轂象升屋東榮綏當為綏讀

如蕤賓之蕤字之誤也綏謂旌旗之旄也去其旒而用

之異於生也音義

乘繩證反下及注同輟工木反綏依注作綏耳佳反下及注同復音伏下

同子羊女反襄本又作襄保毛疏正義曰自此以下至反後皆同去起呂反下去輔同疏正義曰自此以下至

諸侯及大夫士在路而死招魂復魄并明飾棺貴賤之等此一經下至廟門外論諸侯之制今各依文解之諸

侯行而死者謂諸侯於時或在主國死於館者謂主國之屬而死者謂諸侯於時或在主國死於館者謂主國

有司所授館舍也則其復如於其國者其復謂招魂復魄也雖在他國所授之舍若復魄之禮則與在已本國

同故云如於其國也如於道則升其乘車之左輟者如若也道路也謂若諸侯在道路死則復魄與本國異也

乘車其所自乘之車也其復魄則俱升其所乘車左邊輟上而復魄也此車以南面為正則左在東也升車左

輅象在家升屋東榮也其五等之復人數各如其命數
今輅上狹則不知以幾人崔氏云一人而已以其綏復
者綏旌旗綏也若在國中招魂則衣各用其上服今在
路死則招用旌旗之綏是在路則異於在國故云於道
用之亦冀魂魄望見識之而還也若王喪於國而復於
四郊亦建綏而復周禮夏采云以乘車建綏復于四郊
是也注正義曰館主國所致舍者案曾子問云公館復
公之所為曰公館是主國館賓之舍也云子使有之者
謂主國與賓此舍使賓專自有之故得升屋招魄復用
褻衣也褻衣者天子褒賜之衣即下文復用褻衣是也
云如於道道上廬宿也者案遣人云凡國野之道十里
有廬三十里有宿五十里有市故云道上廬宿也云升
車左輅象升屋東榮者車轅嚮南左輅在東故象東榮
不於廬宿之舍復者廬宿供待衆賓非死者所專有故
復於乘車左輅云綏當為綏讀如蕤賓之蕤者但經中
綏字絲旁者著要其音雖訓為委此復之所用者是綏

也綏絲旁著委故云綏當為綏讀此綏字為蕤賓之蕤者音與蕤賓字聲同也以經作綏故云字之誤也綏謂旌旗之旒也者案夏采云乘車建綏復于四郊乘車玉路當建大常今乃建綏無大常也明堂位云有虞氏之綏夏后氏之旂後王文飾故知有虞氏之綏但有旌也云去其旒而用之異於生也者諸侯建交龍之旂今以其綏復是去其旒異於生也

其輅有褱緇布裳帷素錦以為屋而行注輅載柩將殯之車飾也輅取名於襯與舊讀如舊旆之舊襯棺也舊染赤色者也將葬載柩之車飾曰柳褱謂鼈甲邊緣緇布裳帷圍棺者也裳帷用緇則輅用赤矣輅象宮室屋

其中小帳襯覆棺者若未大斂其載尸而歸車飾皆如

之音義

輔千見反注與蒨同袂昌占反緇裳帷本或作緇布裳帷殯必刃反本或作賓音同襯初靳反

又楚陣反與蒨絕句一本作輔讀以與字絕句疏正義與則音餘蒨飾上千見反下步貝反緣悅絹反疏曰此

一經明諸侯車飾輔謂載柩之車有袂者謂輔之四旁

有物袂垂象鼈甲邊緣緇布裳帷者輔下棺外用緇色

之布以為裳帷以圍繞棺也素錦以為屋者於此裳帷

之中又用素錦以為屋小帳以覆棺而行者於死處既

設此飾而後行注正義曰輔載柩將殯之車飾也者以

下經云遂入適所殯是將殯車飾也云輔取名於襯與

蒨者言此車所以名輔凡有二義一者取名於襯襯近

尸也二取名於蒨蒨草也故云取名於襯與蒨云讀如

蒨飾之蒨者言經中輔字讀如蒨蒨之蒨案左傳定四

年祝鮀云封康叔以綌蒨謂以蒨草染蒨為赤色故讀

此輦與彼同是亦蒨草以染布也云觀棺也者覆說取名於蒨義也云蒨染赤色者也者說取名於蒨草之義也云蒨謂輦甲邊緣者覆說輦象輦甲覆於棺上中央隆高四面漸下襍象邊緣垂於輦之四邊與輦連體則亦赤也若葬車之飾則上用荒不用輦也云裳帷用緇則輦用赤矣者前雖讀輦為蒨草其色未明今因裳帷用緇故知定輦為赤色以玄纁相對之物故以赤色對緇也但玄纁天地之色取象不同或上或下非一例也要玄纁是相對之色云若未大斂其載尸而歸車飾皆如之者此經所論謂大斂後也故下云適所殯若未大斂則曾子問云尸入門升自阼階不得云適所殯也知未大斂之前車飾亦然者以載尸柩車飾經唯有此文故知其飾同也

至於廟門不毀牆遂入適所殯唯輦為說於廟門外注

廟所殯宮牆裳帷也適所殯謂兩楹之間去輅乃入廟門以其入自有宮室也毀或為徹凡柩自外來者正棺於兩楹之間尸亦俛之於此皆因殯焉異者柩入自闕升自西階尸入自門升自阼階其殯必於兩楹之間者以其死不於室而自外來留之於中不忍遠也音義

說吐

奪反本亦作脫下并注皆同俛音夷隱義云俛之言移也庾依韻集大兮反息也遠于萬反

疏

正義曰此

一經明諸侯禮載柩入制也至於廟門者謂殯宮門也不毀牆者牆謂裳帷但毀去上輅不毀去裳帷遂入適所殯者遂入殯宮正柩於兩楹之間而遂殯焉唯輅為說於廟門外者言餘物不說唯輅一物說於殯宮門外

注正義曰廟所殯宮者以殯之所在故謂為廟云牆裳帷也者鄭恐是宮牆之嫌故云牆裳帷也以飾棺之物稱牆門是入自門也云適所殯在兩楹之間者以死在外來故殯於兩楹間云去輅乃入廟門以其入自有宮室也者解經所以去輅乃入之意輅乃覆棺上象宮室今入之有宮室故去輅也不去裳帷者以裳帷鄭棺未可去也云凡柩自外來者正棺於兩楹之間者案公羊定元年癸亥公之喪至自乾侯正棺於兩楹之間然後即位鄭以是推之則知尸自外來者亦停於兩楹之間故尸亦俛之於此皆因殯焉云異者柩入自闕升自西階尸入自門升自阼階者皆曾子問文云留之於中不忍遠也者以周人殯於客位今殯於兩楹之間是不忍也遠之也

大夫士死於道則升其乘車之左轂以其綏復如於館

死則其復如於家注綏亦綏也大夫復於家以玄冕士以爵弁服大夫以布為輶而行至於家而說輶載以輜車入自門至於阼階下而說車舉自阼階升適所殯注大夫輶言用布白布不染也言輶者達名也不言裳帷俱用布無所別也至門亦說輶乃入言載以輜車入自門明車不易也輜讀為輶或作輶許氏說文解字曰有輜曰輪無輜曰輶周禮又有蜃車天子以載柩蜃輶聲相近其制同乎輶崇蓋半乘車之輪諸侯言不毀牆大

夫士言不易車互相明也不易者不易以楯也廟中有

載柩以輶之禮此不耳音義

輶依注作輶及傳同市專反又市轉反注及下同別

彼列反蚤慎忍反近附近之近

疏正義曰此一經明大

楯勅倫反下同一本作輶同

夫車飾也大夫以布

為輶者以白布為輶不以蒨草染之亦言輶者通名耳是有輶觀近之義也載以輶車者大夫初死及至家皆以輶車今至家說輶唯輶車在故云載以輶車入自門至於阼階下而說車者謂說去其車矣舉自阼階升適所殯者謂舉自阼階下而升適兩楹之間所殯之處此云升適阼階謂尸矣若柩則升自西階注正義曰云白布不染也者以經云用布故知白布不染下經士輶輶席以為屋蒲席以為裳帷以諸侯為裳帷則知大夫亦有裳帷俱用布耳云言輶者達名也者既不用蒨草染之而言輶者輶是觀近之義通達於下是大夫與士皆

有觀近之名也云至門亦說輶乃入言載以輶車入自
門明車不易也者鄭以經云至於家而說輶載以輶車
恐至家乃載以輶車故云明車不易上云不毀牆遂入
不云車不易此云載以輶車明車亦不易云輶讀為輶
或作輶者言經之輶字當讀為車旁之全或禮記諸本
此用輶車作木旁專字者云許氏說文解字曰有輶曰
輪無輶曰輶者有輶謂別施木為輶無輶謂合大木為
之不施輶曰輶云周禮又有蜃車天子以載柩者案周
禮遂師職共蜃車之役是天子以載柩也云蜃輶聲相
近其制同乎者言天子蜃車與此大夫輶車聲既相近
其制宜同故云其制同乎云輶崇蓋半乘車之輪者此
無文證以其蜃類蓋迫地而行其輪宜卑故疑半乘車
之輪蓋疑辭矣周禮考工記乘車之輪六尺有六寸今
云半之得三尺三寸也云諸侯言不毀牆大夫士言不
易車互相明也者諸侯言不毀牆則大夫亦不毀牆大
夫士言不易車明諸侯亦不易車云不易者不易以輶

也者謂大夫士在路載以輜車至家說載亦載以輜車是不易以輜也若天子諸侯載輅以蜃車至門亦以蜃車其殯時則易之以輜也云廟中有載輅以輜車之禮此不耳者謂天子諸侯殯時用輜又天子諸侯及大夫朝廟之時有用輜車載輅之禮此喪從外來大夫士不合用輜故云此不耳凡在路載輅天子以下至士皆用蜃車與輜車同故周禮遂師共蜃車之役是天子也既夕云遂匠納車于階間注云車載輅車周禮謂之蜃車雜記謂之輅是士用蜃車也雜記云大夫載以輜車輜車則蜃車也是大夫用蜃車則諸侯不言亦可知其蜃車之形鄭注既夕禮云其車之舉狀如牀中央有轅前後出設輅輅輅輅上有四周下則前後有軸以輅為輪許叔重說有輜曰輪無輜曰輜鄭又注周禮遂師云四輪迫地而行有似於蜃因取名焉此是蜃之制也上下通用在路載輅也輜車之制亦與蜃車同但不用輜為輪天子諸侯殯皆用之故檀弓云天子最塗龍輜謂畫

輅為龍諸侯殯亦用輅車不畫輅為龍故喪大記云君殯用輅注云君諸侯也輅不畫龍大夫殯不用輅故鄭注喪大記大夫之殯廢輅是大夫不用輅士掘堊見社是亦廢輅也其朝廟大夫以上皆用輅士朝廟用軹軸故既夕禮云遷於祖用軸鄭注云大夫諸侯以上有四周謂之輅天子畫之以龍是也輅與軹軸所以異者輅有四周軹軸則無故鄭注既夕禮云軸狀如轉轆刻兩頭為軹軹狀如長牀穿程前後著金而關軸焉是也

士輅葦席以為屋蒲席以為裳帷注言以葦席為屋則

無素錦為帳音義

葦于疏正義曰此一經明士輅也葦

以為輅棺之屋也蒲席以為裳帷者又以蒲席以為裳帷圍繞於屋旁也注正義曰言以士云葦席以為屋屋當帷帳之處故云無素錦為帳矣然大夫無以他物為屋之文則是用素錦為帳矣與諸侯同案諸侯與大夫

上有輶旁有裳帷內有素錦屋今士唯云葦席以為屋
蒲席以為裳帷不云屋上所有之物據文言之葦席為
屋則當覆上輶處將蒲席為裳帷接屋之四邊以郭棺
或大夫既有素錦為帳帳外上有布輶旁有布裳帷則
士之葦席屋之外旁有蒲席裳帷則屋上當以蒲
席為輶覆於上但文不備也未知孰是故兩存焉

凡計於其君曰君之臣某死注計或皆作赴赴至也臣

死其子使人至君所告之音義

計音赴注及下同

父母妻長子

曰君之臣某之某死注此臣於其家喪所主者音義

長丁

式反後長子皆同

君計於他國之君曰寡君不祿敢告於執事

夫人曰寡小君不祿天子之喪曰寡君之適子某死注

君夫人不稱薨告他國君謙也音義

大音泰後大子同適丁歷反下文注

適子其適宗

疏

正義曰此一節總明

遭喪計告於君及敵者并計於鄰國稱謂之差各隨文解

之父母妻長子曰君之臣某之某死者上某是生者臣名下某是臣之親屬死者云君之臣姓某甲之父死也

曰寡君至執事者以謙故稱寡君若云寡德之君雖復壽考仍以短折言之故云不祿不敢指斥鄰國君身故

云敢告於執事也夫人至某死者皆當云告於執事不言者略之故也注正義曰案下曲禮云諸侯曰薨夫人

尊與君同也今夫人與君同不稱薨者以告他國之君及夫人自謙退是不敢從君及夫人之禮也案下曲禮

篇云士曰不祿今雖謙退而同士稱者案異義今春秋公羊說諸侯曰薨計於鄰國亦當稱薨經書諸侯言卒

者春秋之文王魯故稱卒以下魯古春秋左氏說諸侯薨赴於鄰國稱名則書名稱卒卒者終也取其終身又

以尊不出其國許君謹案士虞禮云尸服卒者之上服
不分別尊卑皆同年卒者卒終也是終沒之辭也鄭駁
之云案雜記上云君薨赴於他國之君曰寡君不祿曲
禮下曰壽考曰卒短折曰不祿今君薨而云不祿者言
臣子於君父雖有考終眉壽猶若其短折然若君薨而
計者曰卒卒是壽終矣斯無哀惜之心非臣子之辭鄰
國來赴書以卒者言無所老幼皆終成人之志所以相
尊敬如異義所論是君稱不祿之意若杜元凱注左氏
傳則與此異案隱三年聲子卒傳云不赴故不曰薨杜
云鄰國之赴魯史書卒者臣子惡其薨名改赴書也如
鄭此云不祿謂赴者口辭矣春秋所云薨謂赴書之策
所以不同者言壽考曰卒短折曰不祿杜以為禮記後
人所作不正與春
秋同杜所不用也

大夫計於同國適者曰某不祿計於士亦曰某不祿計

於他國之君曰君之外臣寡大夫某死計於適者曰吾
子之外私寡大夫某不祿使其實計於士亦曰吾子之
外私寡大夫某不祿使其實注適讀為匹敵之敵謂爵
同者也實當為至此讀周秦之人聲之誤也音義適依

敵大歷反下適者同
實依注音至下同

疏

正義曰此一經明大夫之卒相
計告之禮也適者曰某不祿者

謂同國大夫位相敵者曰某不祿計於至不祿者大夫
既尊於士士處亦得稱不祿稱某者或死者之名或死
者官號而赴者得稱之計於至外臣者大夫不屬他國
故云外臣自謙退無德故云寡大夫某矣尊敬他君不
敢申辭故云某死計於至其實者計於適者謂大夫死
計於他國大夫相敵體者謂計告大夫以是別國私有

恩好故曰外私以赴大夫其辭得申故云某不祿於身
赴告故云使某實計於士至其實者謂大夫之喪計他
國之士其辭與計大夫同此所云大
夫者上下皆同曰大夫無以為異也

士計於同國大夫曰某死計於士亦曰某死計於他國
之君曰君之外臣某死計於大夫曰吾子之外私某死

計於士亦曰吾子之外私某死疏

正義曰此一經論士
喪相計告之稱云某

死者以其士賤赴大夫及士皆云某死若計他國之君
及大夫士等之云某死但於他君稱外臣於大夫士言

外私
耳

大夫次於公館以終喪士練而歸士次於公館注公館

公宮之舍也練而歸之士謂邑宰也練而猶處公館朝

廷之士也唯大夫三年無歸也音義

朝直遙反下注同

大夫居

廬士居堊室注謂未練時也士居堊室亦謂邑宰也朝

廷之士亦居廬疏

正義曰此一節明大夫士遭君喪次舍居處及歸還之節公館君之舍也

大夫恩深祿重故為君喪居廬終喪畢乃還家也士練而歸者謂邑宰之士也士卑恩輕故至小祥而反其所治邑也士次於公館者此謂朝廷之士也雖輕而無邑事故亦留次公館三年也大夫居廬者以位尊恩重故居廬士居堊室者士位卑恩輕故居堊室也注正義曰云練而歸之士謂邑宰也者以下文云士次於公館今云練而歸明是邑宰以為君治邑若久而不歸即廢其職事也若身為大夫雖位得采地亦終喪乃歸也知此

是未練時者案問傳云斬衰之喪居倚廬既練居堊室此經若練後則大夫居堊室今云大夫居廬明未練時也云士居堊室亦謂邑宰也者士若非邑宰未練之前當與大夫同居廬今云居堊室故知是邑宰也必知邑宰者以上文云大夫終喪士練而歸言邑宰之士降於大夫此云士居堊室亦降於大夫故知是邑宰之士也云朝廷之士亦居廬者以臣為君喪俱服斬衰故知未練之前士亦居廬也然周禮宮正注云親者貴者居廬疏者賤者居堊室引此雜記云大夫居廬士居堊室則是大夫以上定居廬士以下定居堊室此云朝廷之士亦居廬與彼不同者尋鄭之文意若與王親者雖云士賤亦居廬則此云朝廷之士亦居廬是也若與王無親身又是士則居堊室則此經士居堊室是也故鄭於宮正之注引此士居堊室證賤者居堊室也若與王親雖疏但是貴者則亦居廬也庾氏熊氏並為此說熊氏或說云若天子則大夫居廬士居堊室則雜記言是也若

諸侯則朝廷大夫士皆居廬也邑宰之士居
堊室宮正之注是也此義得兩通故並存焉

大夫為其父母兄弟之未為大夫者之喪服如士服士
為其父母兄弟之為大夫者之喪服如士服注大夫雖
尊不以其服服父母兄弟嫌若踰之也士謂大夫庶子
為士者也已卑又不敢服尊者之服今大夫喪服禮逸
與士異者未得而備聞也春秋傳曰齊晏桓子卒晏嬰
簞衰斬苴經帶杖管屨食粥居倚廬寢苦枕草其老曰
非大夫之禮也曰惟卿為大夫此平仲之謙也言已非

大夫故為父服士服耳麤衰斬者其縷在齊斬之間謂縷如三升半而三升不緝也斬衰以三升為正微細焉則屬於麤也然則士與大夫為父服異者有麤衰斬枕草矣其為母五升縷而四升為兄弟六升縷而五升乎惟大夫以上乃能備儀盡飾士以下則以臣服君之斬衰為其父以臣從君而服之齊衰為其母與兄弟亦以勉人為高行也大功以下大夫士服同音義

大夫為其于偽反下

士為其同注除為士卿為為正皆放此晏於諫反嬰一
盈反衰七雷反苴七餘反經大結反管古顏反屨九具

反粥之六反倚於綺反苦始占反枕之鴆反下同縷力
佳反齊音咨下齊衰皆同緝七八反上時掌反行下孟

反疏

正義曰此篇雜記喪事也經次上下無義例科段
今各依文解之此一經明大夫士為其父母昆弟

之服也注正義曰嫌若踰之也者大夫之父母兄弟或
作士或無官今大夫為之若著大夫之服是自尊踰越
父母兄弟今不以大夫之服服父母兄弟是嫌畏踰之
也云士謂大夫庶子為士者也者此士解經中下文士
為之文知此士是大夫庶子為士者若大夫適子雖未
為士猶服大夫之服即下文是也若其適子為士則服
大夫服可知故知此士為父母之為大夫者但服士服
是庶子也所以不服大夫服者已卑不敢服尊者之服
云今大夫喪禮逸與士異者未得而備聞也者欲見大
夫與士喪禮殊異未甚分明引春秋傳者欲證大夫與
士之喪服不同所引傳者襄十七年左傳文云齊晏桓
子卒至唯卿為大夫皆左傳辭也齊晏桓子卒者是晏

嬰之父晏弱諡曰桓子也云晏嬰薨衰斬者桓子之子
晏嬰身服麤衰而斬云苴經帶杖者以苴麻為首經要
帶以苴色之竹為杖云菅屨者以菅草為屨云食粥居
倚廬寢苦者是喪禮之常枕草者非喪禮之文云其老
曰非大夫之禮者老謂晏嬰家臣見晏嬰服士服故其
老言所服云非大夫之喪禮也云曰唯卿為大夫者此
晏嬰對家老之言若身為卿得著大夫之服若身為大
夫惟得服士服云此平仲之謙也者言平仲之言非禮
也謙退之辭云言已非大夫故為父服士服耳者若是
卿則得為父服大夫服故云非從此以下皆鄭君解釋
之辭云麤衰斬者其縗在齊斬之間者案喪服初章斬
衰次章疏衰疏即麤也今言麤衰斬者是下嚮麤上嚮
兼斬有麤故云麤衰斬者其縗在齊斬之間齊即麤也
言其布縗在齊斬之間斬衰三升麤衰四升其布在三
升四升之間故云縗如三升半言麤如三升半而計縗
唯三升故云縗如三升半而三升不緝也但縗如三升

半是麤衰不緝是斬而成布三升為父之服也云斬衰以三升為正微細焉則屬於麤也者解晏子實斬衰而兼言麤也云然則士與大夫為父服異者有麤衰斬衰草矣者鄭既約左傳晏嬰之事始明大夫與士不同故云然則士與大夫為父異麤衰枕草矣則大夫以上斬衰枕草士則疏衰枕草案既夕禮士禮而云枕塊者記者廣說非辭也云其為母五升縗而四升為兄弟六升縗而五升乎者鄭既約士之父服縗緇降一等經文有母及兄弟故此約母與兄弟之服也喪服為母四升此云為母五升縗謂麤細似五升之縗成布四升喪服為兄弟五升此云為兄弟六升縗謂麤細如六升之縗成布五升皆謂縗細成布升數少也云唯大夫以上乃能備儀盡飾者大夫以上則兼天子諸侯德高能備儀服無降殺是盡飾云士以下則以臣服君之斬衰為其父以臣從君而服之齊衰為其母與兄弟者以喪服義服皆降正服一等今為父母兄弟降從義服是卑屈也云

以臣從君而服之齊衰為其母與兄弟者案喪服臣從君義服齊衰六升今士為兄弟縵如六升成布五升得與臣為君義服齊衰同其士為母父卒縵如五升成布四升與臣為君義服齊衰全異而云為其母與臣為君義服齊衰同者前注所云因麤衰降斬衰一等即連言父卒為母云縵如五升成布四升據父卒為母言之也此注以士為兄弟與臣為君義服齊衰同則父在為母與兄弟服亦同縵如六升而成布五升據父在為母言之為此前後注異云亦以勉人為高行也者居喪之禮以服重為申以服輕為屈今大夫為父母兄弟之未為大夫者服士服是勉勵其父母兄弟使為高行作大夫之禮士為其父母兄弟之為大夫者服士服亦是勉勵士身使為高行作大夫也云大功以下大夫士服同者以經唯云父母兄弟士與大夫之異不云大功以下有殊是大功以下與大夫同所以然者以重服情深故使士有抑屈使之勉勵大功以下輕服情殺故上下俱申

也案聖證論王肅云喪禮自天子以下無等故曾子云
哭泣之哀齊斬之情饘粥之食自天子達且大國之卿
與天子上士俱三命故曰一也晉士起大國上卿當天
子之士也平仲之言唯卿為大夫謂諸侯之卿當天子
之大夫非謙辭也春秋之時尊者尚輕簡喪服禮制遂
壞羣卿專政晏子惡之故服麤衰枕草於當時為重是
以平仲云唯卿為大夫遜辭以辟害也又孟子云諸侯
之禮三年之喪齊疏之服飭粥之食自天子達於庶人
三代共之又此記云端衰喪車皆無等又家語云孔子
曰平仲可為能遠於害矣不以已之是駭人之非遜辭
以辟咎也王肅謂大夫與士異者大夫以上在喪斂時
弁經士冠素委貌馬昭答王肅同雜記云大夫為其父
母兄弟之未為大夫者之喪服如士服是大夫與士喪
服不同者而肅云無等則是背經說也鄭與言禮張融
評云士與大夫異者皆是亂世尚輕涼非王者之達禮
小功輕重不達於禮鄭言謙者不異於遠害融意以王

肅與鄭其義略同如融之說是周公制禮之時則上下同當喪制無等至後世以來士與大夫有異故記者載之鄭因而解之禮是鄭學今申鄭義云端衰喪車無等者端正也正為衰之制度上下無等其服精麤卿與大夫有異也又曾子云齊斬之情據其情為一等無妨服有殊異耳若王肅之意大夫以上弁經士唯素冠此亦得施於父母此經云為昆弟豈亦弁經素冠之異乎此是肅之不通也杜元凱注左傳說與王肅同服虔注左傳與端衰喪車無等其老之問晏子之答皆為非並與鄭違今所不用也

大夫之適子服大夫之服注仕至大夫賢著而德成適

子得服其服亦尊其適象賢音義

著知疏注正義曰云慮反疏仕至大夫賢

著而德成適子得服其服者以經云大夫之適子服大夫之服所以然者以其父在仕官身至大夫賢行既著

道德又成故其適子雖未仕官得服大夫之服也云亦尊其適象賢者非但尊此大夫之身亦當尊其適子使服大夫之服也能象似其父之賢者皇氏云大夫適子若為士為其父唯服士服注云仕至大夫謂此子若仕官至大夫始得服大夫服以其賢德著成如皇氏之意解此仕至大夫為大夫之子案前經注云士謂大夫庶子為士者明大夫適子未仕官及為士皆得服大夫之服皇氏之言違文背注不解鄭意其說非也

大夫之庶子為大夫則為其父母服大夫服其位與未

為大夫者齒注雖庶子得服其服尚德也使齒於士不

可不宗適音義

為去聲

疏

正義曰此一節明大夫庶子為大夫則得為父母服大夫之服

其位與未為大夫者齒大夫庶子雖為大夫得服大夫之服其行位之處與適子未為大夫者相齒列注正義

曰云尚德也者言此大夫之子身雖是庶所以得服者以其任至大夫由身有德行故云尚德也云使齒於士不可不宗適者此庶子雖為大夫猶齒列於適子之下其年雖長於適子猶在適子之下使適子為主若年少於適子則固在適子之下是不可不宗適也

士之子為大夫則其父母弗能主也使其子主之無子則為之置後注大夫之子得用大夫之禮而士不得也

置猶立也疏

正義曰其父母弗能主也者士子身為大夫若死則父母不能為喪主也以身是士

故不可為大夫喪主使其子主之者謂使此死者之子為主以其子是大夫適子故得為大夫之主以其服大夫服故也無子則為之置後者若死者無子則為死者別置其後所置之後即大夫適子同得行大夫之禮此

所置之後謂暫為喪主假用大夫之禮若其大宗子則直為之立後自然為大夫禮也注正義曰云大夫之子得用大夫之禮者則前云大夫之適子服大夫之服是也解經使其子主之文其子為適子若無適子則以庶子當適處若無庶子則以族人之子當適子之處皆得用大夫之禮故云大夫之子得用大夫之禮總結此文云而士不得也者其父是士不得主大夫喪故云而士不得也所以然者父貴可以及子故大夫之子得用大夫之禮子貴不可以及父故其父不得用大夫之禮

大夫卜宅與葬日有司麻衣布衰布帶因喪屨緇布冠不薙占者皮弁注有司卜人也麻衣白布深夜而著衰焉及布帶緇布冠此服非純吉亦非純凶也皮弁則純

吉之尤者也占者尊於有司卜求吉其服彌吉大夫士

朔服皮弁音義

略反疏

正義曰大夫卜宅與葬日者宅

日有司謂卜人麻衣謂白布深衣布衰謂麓衰也皇氏云以三升半布為衰其長六寸廣四寸綴於衣前當胸上後又有負版長一尺六寸廣四寸布帶以布為帶因喪屨謂因喪之繩屨縹布冠不蕤者以縹布為冠不加縵占者皮弁者謂卜龜之人尊於卜之有司故皮弁純吉也注正義曰云麻衣白布深衣者謂吉服十五升之布與縹布冠皮弁相類故知吉布也云而著衰焉者熊氏云謂以吉布為衰綴於深衣云及布帶縹布冠此服非純吉亦非純凶也者謂麻衣白布深衣十五升是吉布衰是凶布帶亦凶縹布冠是吉不蕤亦凶故云非純吉亦非純凶然縹布冠古法不蕤今特云縹布冠不蕤者以後代縹布冠有蕤此以凶事故不蕤云皮弁則純

吉之尤者也者以上麻衣緇布冠雜有吉禮此皮弁是純吉尤甚者云卜求吉其服彌吉者解用皮弁之意云大夫士朔服皮弁者於諸侯是視朔之服於天子是視朝之服也

如筮則史練冠長衣以筮占者朝服注筮者筮宅也謂

下大夫若士也筮史筮人也長衣深衣之純以素也長

衣練冠純凶服也朝服純吉服也大夫士日朝服以朝

也音義

朝直遙反注及下文皆同純音準又之閏反

疏

正義曰如筮者謂下大夫及士不合用卜

故知用筮也則史練冠長衣者此謂無地大夫筮葬禮也唯筮宅卜日耳卜時緇布冠麻衣布衰雜以吉凶之服如筮則練冠長衣以筮輕故用純凶服也占者朝服者卜重故占者皮弁筮輕故占者朝服注正義曰筮者

筮宅也謂下大夫若士也者以士喪禮云筮宅卜日故知此筮謂筮宅也云長衣深衣之純以素也者長衣深衣其制同耳言此經長衣是深衣之純以素者凶時深衣純以布上經麻衣深衣亦純以布此經長衣純以素故云長衣深衣之純以素者也云長衣練冠純以素者以長衣則布衣純之以素也故聘禮云主人長衣練冠以受鄭注彼云長衣素純布衣是也練冠是小祥以後以練為冠都無吉象故云純以素也云大夫士日朝服以朝也者謂緇衣素裳諸侯之朝服每日視朝之服案士喪禮云族長涖卜及宗人吉服鄭注云吉服服玄端也此占者朝服者彼謂士之卜禮故占者著玄端此據筮禮故占者朝服案士虞禮注云士之屬吏為其長弔服加麻此史練冠長衣者此經文舍大夫其臣為大夫以布帶繩屨故史練冠長衣若士之卜史當從弔服不得練冠長衣也

大夫之喪既薦馬薦馬者哭踊出乃包奠而讀書注嫌

與士異記之也既夕禮曰包牲取下體又曰主人之史

請讀賵音義

賵音薦本又作薦賵芳鳳反

疏

正義曰此明大夫將葬啟柩朝廟之後欲出之

時既薦馬者案士喪禮下篇云薦馬之節凡有三時一者柩初出至祖廟設奠為遣祖之奠訖乃薦馬是其一也至日側祖奠之時又薦馬是其二也明日將行設遣奠之時又薦馬是其三也此云既薦馬謂第三薦馬之時也以下則云包奠而讀書於既夕禮當第三薦馬之節薦馬者哭踊者謂主人見薦馬薦進也進馬至乃哭踊出乃包奠者出謂馬出乃包奠者取遣奠牲下體包裏之以遣送行也然馬出在包奠之前而必云出乃包奠者明出即包奠包奠為出之節故言出也而讀書者書謂凡送亡者賵入棨之物書也讀之者省錄之也注

正義曰嫌與士異者案既夕禮薦馬馬出之後云包牲
取下體也又云主人之史請讀賜今此大夫亦薦馬出
後包奠讀書與士同記者嫌畏大夫之尊與士有異故
特記之明與士同也故引既夕禮以下者證包牲讀賜
之節謂主人見薦馬送行物而哭踊故云薦馬者哭踊
也所以馬進而主人哭踊者馬是牽車為行之物今見
進馬是行期已至故孝子感之而哭踊云既夕禮曰包
牲取下體者士則羊豕也鄭注包者象既饗而歸賓俎
者也前脰折取臂肱後脰折取髀也臂謂膝上膊下也
肱謂肘後取髀謂取膊下股骨也羊豕各三个必取下
體者下體能行亦示將行也有遣車者亦先包之
也云又曰主人之史請讀賜者賜猶送者人名也

大夫之喪大宗人相小宗人命龜卜人作龜注卜葬及
日也相相主人禮也命龜告以所問事也作龜謂揚火

灼之以出兆音義

相息亮反注同

疏

正義曰大夫謂卿也明卿喪用人及卜之法也大宗

謂大宗伯也相佐威儀小宗人命龜者小宗謂小宗伯也命龜謂告龜道所卜之辭也卜人亦有司作謂用揚火灼之也並皆有司也皇氏云大小二宗並是其君之職來為喪事如司徒旅歸四布是也故宗伯肆師云凡卿大夫之喪相其禮注正義曰知卜葬及日者以文承上大夫卜宅與葬日之下故知此經是上大夫之卜葬宅及日者也

內子以鞠衣褻衣素沙下大夫以禮衣其餘如士注此

復所用衣也當在夫人狄稅素沙下爛脫失處在此上耳內子卿之適妻也春秋傳曰晉趙姬請逆叔隗於狄

趙衰以為內子而已下之是也下大夫謂下大夫之妻

禮周禮作展王后之服六唯上公夫人亦有褱衣侯伯

夫人自揄狄而下子男夫人自闕狄而下卿妻自鞠衣

而下大夫妻自展衣而下士妻稅衣而已素沙若今紗

縠之帛也六服皆袍制不褱以素紗裏之如今袷袍襖

重繒矣褱衣者始為命婦見加賜之衣也其餘如士之

妻則亦用稅衣

義鞠九六反又曲六反注同禮張戰

爛力旦反脫音奪下同隄五罪反衰初危反下戸嫁反
展張戰反下同褱音輝揄音遙下文并注同縠戸木反

袍步羔反禪音丹袿音圭襜疏正義曰此一節明卿大士眷反重直龍反繪茨陵反夫以下之妻所復之衣內子以鞠衣褻衣者內子謂卿妻復以鞠衣褻衣者始命為內子上所褻賜之衣復時亦用此衣故云鞠衣褻衣褻衣則鞠衣也但上命時褻賜故曰褻衣素沙者言此鞠衣褻衣亦以素沙為裏下大夫以禮衣者是下大夫之妻所服禮衣也對卿妻為下故復用禮周禮作展王后之服六唯上公夫人亦有褱衣侯伯夫人自揄狄而下子男夫人自闕狄而下卿妻自鞠衣而下大夫妻自展衣而下士妻稅衣而已六服皆袍制不禪以素紗裏之袍制謂通衣裳有表有裏似袍故云皆袍制不禪漢時有袿袍其袍下之襪以重繪為之古之服皆以素沙為裏似此袿袍襪之重繪故注云如今之袿袍襪重繪也其餘如士者謂內子鞠衣褻衣已見於經大夫以禮衣亦見於經唯有祿衣未見故云其餘如士謂鞠衣禮衣之外其餘祿衣如士之妻士妻既用祿衣而復則

內子下大夫妻等亦用祿衣也注正義曰此復所用衣也者以下復諸侯以褻衣故知此亦復衣也云當在夫人狄稅素沙下者以記者作記當依尊卑順序此內子宜承夫人之下故云當在夫人狄稅素沙下也引春秋傳曰以下者僖二十四年左傳文也初晉文公在狄狄人以季隗妻文公以叔隗妻趙衰後文公反國以趙姬妻趙衰趙姬請趙衰逆叔隗於狄既逆趙姬又請趙衰將叔隗為內子趙姬之身卑下之故云而已下之引之者證卿妻為內子之文也其王后以下之服已具於玉藻故此略而不言云六服皆袍制不禪以素沙裏之如今袿袍襖重繒矣者皆袍制謂連衣裳有表裏似袍故云皆袍制不禪漢時有袿袍其袍下之襖以重繒為之故云六服以素紗為裏似此袿袍襖重繒矣云褻衣者始為命婦見加賜之衣也者謂內子初嫁為卿妻加賜之以衣以褻崇之故云褻衣

復諸侯以褻衣冕服爵弁服注復招魂復魄也冕服者

上公五侯伯四子男三褻衣亦始命為諸侯及朝覲見

加賜之衣也褻猶進也疏正義曰自此以下至復西上

總明諸侯以下及夫人命婦

招魂所用之衣但此經爛脫上下顛倒如鄭所次以此

諸侯褻衣一經為首次以夫人稅衣揄狄之經然後次

內子以鞠衣之經今依鄭次各隨文解之復諸侯以褻

衣者謂復時以始命褻賜之衣冕服爵弁服者諸侯既

用褻衣又以冕服爵弁服而復也注正義曰冕服者上

公自衮冕而下故為五侯伯自鷩冕而下故為四子男

自毳冕而下故為三也凡服各依其命數則上公五冕

之外更加爵弁服以下皮弁冠弁之等而滿九侯伯冕

服之外亦加爵弁以下而滿七子男冕服之外加爵弁

皮弁而滿五其褻衣君特所褻賜則宜在命數之外也

故王制云三公一命衮若有加則賜是衮衣故不入命數也此衮衣或是冕之最上者

夫人稅衣揄狄狄稅素沙注言其招魂用稅衣上至揄

狄也狄稅素沙言皆以白沙穀為裏音義

稅他喚反下文放此揄音

遙下文同穀戶木反下注同

疏

正義曰此明婦人復衣也婦人衣有六也夫人稅衣揄狄者諸侯夫人復

用稅衣上至揄狄謂諸侯伯夫人也狄稅素沙者言從揄狄以下至於稅衣皆用素沙白穀為裏

復西上注北面而西上陽長左也復者多少各如其命

之數音義

長丁

疏

正義曰凡招魂皆北面而招以西頭為上注正義曰云北面而西上陽長

左也者以招魂冀生氣之來生氣為陽又北面言之南方是陽左在西方故言陽長左云復者多少各如其命

之數者案士喪禮復者一人以爵弁服言諸侯之士一命而用一人明復者各依命數其復處不同故檀弓云君復於小寢大寢庫門四郊而云復西上者但有兩人以上一處復者則西上也

大夫不揄絞屬於池下注謂池飾也揄揄翟也采青黃之間曰絞屬猶繫也人君之柳其池繫絞繒於下而畫翟雉焉名曰振容又有銅魚在其間大夫去振容士去

魚此無人君及士亦爛脫音義

絞戶交反注同屬音爛注及下條屬并注同翟

音狄去起疏正義曰此一經明大夫葬時車飾若諸侯呂反下同以上則畫揄翟於絞屬於池下若大夫降下人君不得畫以揄絞屬於池下其池上則畫於揄得有揄絞也故喪大記士亦有揄絞與大夫同但不得屬

於池下注正義曰案喪大記云君三池振容是人君之柳有振容振容者其池繫掄繪於下而畫翟雉焉名曰振容云又有銅魚在其間者上有池下有振容池與振容之間而有魚故云在其間云大夫去振容士去魚者以喪大記大夫不振容士去魚不躍拂池故也大夫不振容者謂不以掄絞屬於池下為振容云此無人君及士亦爛脫者以前經云復尊卑俱顯明也此直云大夫故云亦如前文爛脫君與士也

大夫附於士士不附於大夫附於大夫之昆弟無昆弟則從其昭穆雖王父母在亦然注附讀皆為祔大夫祔於士不敢以已尊自殊於其祖也士不祔於大夫自卑別於尊者也大夫之昆弟謂為士者也從其昭穆中一

以上祖又祖而已附者附於先死者音義

附依注作附音同下並同

昭常違反卷內疏

正義曰自此以下至附於公子廣明皆同別彼列反附祭之義各依文解之大夫附於士

者謂祖為士孫為大夫若死可以附祭於祖之為士者也士不附於大夫者謂先祖為大夫孫為士不可附祭於大夫唯得附於大夫之兄弟為士者無昆弟則從其昭穆者謂祖為大夫無昆弟為士則從其昭穆謂附於高祖為士者若高祖為大夫則附於高祖昆弟為士者雖王父母在亦然者謂孫死之後應合附於王父王父見在無可附然猶如是也亦如是附於高祖也注正義曰附者附祭於神當從旁為之云大夫之昆弟謂為士者也者鄭恐經云附於大夫之昆弟恐大夫之昆弟身作大夫士亦得附之故云大夫昆弟為士者若大夫昆弟全無者其孫雖士亦得附之故前文云大夫附於士是孫之尊可以附祖之卑也云從其昭穆中一以上

祖又祖而已者謂父為昭子為穆中猶間也謂自祖以上間一世各當昭穆而祖祔之若不得祔祖則間去曾祖一世祔於高祖若高祖無可祔則間高祖之父一世祔高祖之祖故云祖又祖而已是中一以上喪服小記也文

婦附於其夫之所附之妃無妃則亦從其昭穆之妃妾附於妾祖姑無妾祖姑則亦從其昭穆之妾注夫所附

之妃於婦則祖姑疏

正義曰此一經論婦之所附義與夫同無妃則亦從其昭穆之妃者

其孫婦祔祖姑祖無妃謂無祖姑則亦從其昭穆之妃謂亦間一以上祔於高祖之妃高祖無妃則亦祔於高祖之祖妃若其祖有昆弟之妃班爵同者則亦祔之

男子附於王父則配女子附於王母則不配注配謂并祭王母不配則不祭王父也有事於尊者可以及卑有事於卑者不敢援尊配與不配祭饌如一祝辭異不言以某妃配某氏耳女子謂未嫁者也嫁未三月而死猶

歸葬於女氏之黨音義

并必政反
援音袁

疏

正義曰男子附於王父則配者謂祭

王父并祭所配王母女子附於王母則不配者謂在室之女及已嫁未三月而死祔祭於王母則不祭所配之王父注正義曰云配謂并祭王母不配則不祭王父也者王父母相配之人祭王父及王母是以配祭王母不祭王父是不配云配與不配祭饌如一祝辭異不言以某妃配某氏耳者案特牲禮不云配少牢禮云以某妃

配但士用特牲大夫用少牢其餘皆同是祭饌如一案
少牢云以某妃配某氏鄭注云某妃某妻也某氏若言
姜氏子氏也此是言配也不言配者若特牲云用薦歲
事于皇祖某子不云以某妃配特牲雖是常祭容是禋
月吉祭故不舉配云嫁未三月而死
猶歸葬於女氏之黨者曾子問文也

公子附於公子注不敢戚君疏

正義曰公子者若公子之祖為君公子不敢附

之附於祖之兄弟為公子者不敢戚君故也

君薨大子號稱子待猶君也注謂未踰年也雖稱子與

諸侯朝會如君矣春秋魯僖公九年夏葵丘之會宋襄

公稱子而與諸侯序待或為侍疏

正義曰君薨謂先君薨也大子號稱子者

其本大子君存稱世子今君既薨故稱子不言世子待
猶君也者謂與諸侯並列其待之禮猶如正君注正義
曰知未踰年者若踰年則稱君此云稱子故知未踰年
者引春秋者證未踰年稱子及待猶君之義案僖九年
三月宋公御說卒夏公會宰周公齊侯宋子以下于葵
丘是宋襄公稱子序在齊侯之下與尋常宋公同是與
諸侯序案公羊傳云君存稱世子君薨稱子某既葬稱
子踰年稱公今宋襄公未葬君當稱子某而稱子者鄭
用左氏之義未葬已前則稱子既葬以後踰年則稱公
故僖九年傳云凡在喪王曰小童公侯曰子是未葬為
在喪之稱也若杜元凱之意未葬以前皆稱子若既葬
雖未踰年亦稱公若未葬雖踰年猶子其義具在下曲
禮疏其與諸侯序列宋襄公在喪稱子自在本班定四
年陳懷公稱子進在鄭上僖二十八年陳共公稱子降
在鄭下衛侯弟叔武稱子亦序在鄭下此
皆春秋之時霸者所次不與此記同也

禮記注疏卷四十

禮記注疏卷四十考證

雜記上以其綏復注綏當為縶讀如蕤賓之蕤字之誤也○顧炎武曰男子以車為居故死於道則升其乘車之左轂以其綏復注改綏為縶謂旌旗之旄也以旄復死不切於事

臣召南

按顧說是其綏即君所執

以升車之綏少儀所謂良綏者也

其輅有綖注疏封康叔以綖綖○按綖綖當作蒨蒨各本俱誤

載以輶車注輶讀為輶或作輶至蜚輶聲相近○臣召

南

按周禮遂師注云蜚禮記或作輶或作輶賈疏引

此注曰輶讀為輶或作輶是賈所見禮記注本異也

儀禮既夕記納車於階間注云周禮謂之蜚車雜記

謂之輶或作輶或作輶聲讀皆相附耳未聞孰正是

鄭所見本不同也但輶字應从木从專各本並从專

則誤耳又後人稱輶車音而則因輶字而誤也

疏周禮謂之蜚車雜記謂之輶○按輶下當有車字

君訃於他國之君疏案隱三年聲子卒傳云不赴故不

曰薨杜云隣國之赴魯史書卒者臣子惡其薨名改赴書也○

臣召南

按疏引杜注稍誤傳云不赴故不

曰薨者傳解君氏卒所以不稱夫人不書薨之義也為夫人言之也杜云隣國之赴魯史書卒者臣子惡其薨名改赴書也此約癸未葬宋穆公之注及釋例中語也為魯君書薨隣國君書卒言之也雖同是隱三年而義各不相涉也

大夫為其父母兄弟之未為大夫者之喪服如士服注
春秋傳云云疏案聖證論王肅云云○

臣召南按三

年之喪無貴賤一也王肅及張融說正合曾子自天子達孟子三代共之之義齊疏之服豈有大夫士之異哉晏平仲身行古禮而不直言當時之非謙也不可以春秋變制為先王之正禮也鄭注非是左傳疏曰鄭以雜記之文士為父母兄弟之服不得與大夫同皆縗細降一等但雜記之文記當時之制以當時

大夫與士有異故為此解足與此疏相發明

士之子為大夫則其父母弗能主也○王氏曰此最無理克其說則是子爵高父母遂不能子之舜可以臣瞽瞍矣

大夫之喪大宗人相小宗人命龜疏大宗謂大宗伯也小宗謂小宗伯也○劉氏曰大宗人或是都宗人小宗人或是家宗人掌都家之禮者臣召南按此說較疏為長

內子以鞠衣褻衣素沙注當在夫人狄稅素沙下○陳
澔從注次序復諸侯以褻衣冕服爵弁服節承上節
大夫之喪下夫人稅衣揄狄狄稅素沙一節在此節
上

夫人稅衣揄狄音義稅他喚反○陳澔曰稅衣色黑而
緣以纁臣召南按稅衣即周禮內司服之緣衣喪大

記所云士妻以祿衣者也緣祿稅三字音並同故鄭
注玉藻士祿衣云祿或作稅

太子號稱子待猶君也注雖稱子與諸侯朝會如君矣

春秋云云○

臣召南

按經意是言雖稱為子而國中

臣民事之同於正君若在喪而出與朝會則春秋衰
世之事不可以為典常也然即諸侯之待猶君可知
本國臣民之翼戴矣

疏今宋襄公未葬君當宋子某而稱子者○按當云
今宋襄公未葬先君當稱宋子某而稱子者刊本誤
脫兩字耳

禮記注疏卷四十考證

禮記注疏卷四十一

漢鄭氏注

唐陸德明音義

孔穎達疏

雜記上

有三年之練冠則以大功之麻易之唯杖屨不易注謂

既練而遭大功之喪者也練除首經要經葛又不如大

功之麻重也言練冠易麻互言之也唯杖屨不易言其

餘皆易也屨不易者練與大功俱用繩耳音義

要一疏
遙反

正義曰此一經明先有三年練冠之節今遭大功之麻
易之先師解此凡有三義案聖證論云范宣子之意以
母喪既練遭降服大功則易衰以母之既練衰八升降
服大功衰七升故得易之其餘則否賀瑒之意以三等
大功皆得易三年練衰其三等大功衰雖七升八升九
升之布有細於三年之練衰以其新喪之重故皆易之
皇氏云或不易庾氏之說唯謂降服大功衰得易三年
之練其餘七升八升九升之大功則不得易三年之練
今依庾說此大功者特據降服大功也故下文云而祔
兄弟之殤雖論小功之兄弟而云降服則知此大功之
麻易據殤也有三年之練冠者謂遭三年之喪至練時
之冠以首經已除故特云冠則以大功之麻易之者初
死者是降服大功則以此大功之麻易三年之練唯杖
屨不易者言大功無杖無可改易三年練與大功初喪
同是繩屨故杖屨不易注正義曰云練除首經者因傳
文首經既除故著大功麻經云要經葛又不如大功之

麻重也者斬衰既練要經與大功初死要經麤細同斬衰是葛大功是麻故云要經葛又不如大功之麻重也云言練冠易麻互言之也者麻謂經帶大功言經帶明三年練亦有經帶三年練云冠明大功亦有冠是大功冠與經帶易三年冠及經帶故云互言之云唯杖屨不易言其餘皆易也者經既言冠言麻以明換易又云杖屨不易則知衰亦在易中故言其餘皆易謂冠也要帶也衰也言悉易也然練之首經除矣無可易也又大功無杖亦無可易也而云易與不易者因其餘有易者連言之

有父母之喪尚功衰而附兄弟之殤則練冠附於殤稱陽童某甫不名神也注此兄弟之殤謂大功親以下之殤也斬衰齊衰之喪練皆受以大功之衰此謂之功衰

以是時而祔大功親以下之殤大功親以下之殤輕不
易服冠而兄為殤謂同年者也兄十九而死已明年因
喪而冠陽童謂庶殤也宗子則曰陰童童未成人之稱

也某甫且字也尊神不名為之造字音義

衰七雷反冠古亂反稱尺

證疏

正義曰此一經明已有父母之喪既練之後得附
兄弟小功之殤尚功衰者衰謂三年練後之衰升

數與大功同故云功衰今已有父母之喪猶尚身著功
衰今兄弟有殤在小功者當須附祭故云而附兄弟之

殤則練冠附於殤者小功以下既輕不合改練時之服
則身著練冠附祭於殤稱陽童某甫不名神也者當附

祭此殤之時其祝辭稱此殤曰陽童又稱此殤曰某甫
所以不呼其名者尊神也故為之造字稱曰某甫且

字也注正義曰知大功親以下之殤也者若大功正服則變三年之練此著練冠故知大功親以下之殤若成人合服之大功其若長殤小功若成人小功親其長殤則總麻皆得著此三年練冠為之祔祭故云大功親以下之殤言以下兼小功也已足祖之適孫若祔大功兄弟長殤得在祖廟若祔小功兄弟長殤則是祖之兄弟之後所以得祔者已是曾祖之適共小功兄弟同曾祖今小功兄弟當祔於從祖之廟其小功兄弟身及父是庶人不合立祖廟則曾祖適孫為之立壇祔小功兄弟之長殤於從祖立神而祭也皇氏云小功兄弟為士從祖為大夫士不可祔於大夫當祔於大功親以下從祖為士故祔小功兄弟長殤於已祖廟義亦得通云大功親以下之殤輕不易服者案服問大功殤長中變三年之葛得易首經要帶不得易服故此祔祭著練冠也此注諸本或誤云大功親之下殤故諸儒等難鄭注既是下殤何得有弟冠范宣子庾蔚等云下殤者傳寫之誤

非鄭繆也云冠而兄為殤謂同年者也者此鄭自難云
 第冠而兄得為殤者謂弟與兄同年十九也云兄十九
 而死已明年因喪而冠者此新死之兄既是小功之服
 不合變三年之練而得有因喪冠者謂已明年之初用
 父母喪之練節而加冠以後始祔兄弟也云陽童謂庶
 殤也宗子則曰陰童童未成人之稱也者曾子問庶子
 之殤祭於室白故曰陽童宗子殤死祭於室與則曰陰
 童云某甫且字也者檀弓云五十以伯仲是正字二十
 之時曰某甫是且字言且為之立字云尊神不名為之
 造字者以字者冠時所有此兄去年已死未得有字雖
 云某甫是死後祔時為之造字必
 造字者以神道事之尊其名是也

凡異居始聞兄弟之喪唯以哭對可也注惻怛之痛不

以辭言為禮也音義

怛旦末反

其始麻散帶經注與居家同

也凡喪小斂而麻音義

散悉但反後散帶皆同

未服麻而奔喪及

主人之未成經也疏者與主人皆成之親者終其麻帶

經之日數注疏者為小功以下也親者大功以上也疏

者及主人之節則用之其不及亦自用其日數疏

正義曰此

一節明異居聞兄弟喪哭及奔赴之禮凡異居者言凡非一之辭異居別所而始聞兄弟之喪唯以哭對可也

者初聞其喪惻怛情重不暇問其餘事唯哭對使者則於禮可也其始麻散帶經者此謂大功以上兄弟其初

聞喪始服麻之時散垂要之帶經若小功以下服麻則糾垂不散也未服麻而奔喪者謂聞喪未及服麻而即

奔喪及主人之未成經也者謂道路既近聞喪即來至在主人小斂之前故云及主人未成經也疏者與主人

皆成之者疏謂小功以下值主人成服之節則與主人
皆成就之親者終其麻帶經之日數者親謂大功以上
初來奔至雖值主人成服也注正義曰案士喪禮小斂
滿依禮日數而後成服也注正義曰案士喪禮小斂
經于序東是凡士喪小斂而麻也又士喪禮三日絞
此云始麻散帶經是與居家同知疏者謂小功以下者
喪服傳云大功以上同居為同財故知疏者謂小功以
下云其不及亦自用其日數者謂疏者若其及主人之
節則與主人同成服若其不及主人之節亦自用其依
禮之日數奔喪之後至三日而成服也此未奔喪而散
帶經案奔喪禮聞喪即襲經紋帶不散者彼謂有事故
未得即奔喪故不散帶此謂即欲奔喪故散麻也此經
奔喪來至猶散麻案奔喪禮聞喪則襲經至即紋帶不
散麻者此經即來奔者故散麻以見尸柩故也彼謂奔
喪來遲故注云不見尸柩不散帶也

主妾之喪則自祔至於練祥皆使其子主之其殯祭不

於正室注祔自為之者以其祭於祖廟君不撫僕妾注

畧於賤也疏

正義曰妾既卑賤得主之者崔氏云謂女君死攝女君也則自祔者以其祔祭於祖

姑尊祖故自祔也以其祔廟也妾合祔於妾祖姑若無妾祖姑則祔於女君可也其殯祭不於正室者雖攝女君猶下正適故嬪之與祭不得在正室庾蔚云妾祖姑無廟為壇祭之鄭云於廟者崔氏云於廟中為壇祭之此謂攝女君若不攝女君之妾則不得為主則別為壇不在祖廟中而子自主之也

女君死則妾為女君之黨服攝女君則不為先女君之

黨服注妾於女君之親若其親然音義

為于偽反疏正義下注並同

曰女君死則妾為女君之黨服者賀瑒云雖是徒從而抑妾故為女君黨服防覲覲也攝女君則不為先女君之黨服者以攝女君差尊故不為先女君之黨服也

聞兄弟之喪大功以上見喪者之鄉而哭注奔喪節也

適兄弟之送葬者弗及遇主人於道則遂之於墓注言骨

肉之親不待主人也凡主兄弟之喪雖疏亦虞之注喪

事虞祔乃畢疏

正義曰此一節明奔兄弟喪之法見喪者之鄉而哭者謂此親兄弟同氣及同

堂兄弟也奔喪禮云齊衰望鄉而哭大功望門而哭此云大功以上見喪者之鄉而哭者盧云謂降服大功者也鄭無別解當同盧也若如此則兄弟之名通輕重也適兄弟之送葬者此兄弟通總小功也適往也謂往送

五服之親葬而不及者謂往送不及喪柩在家遇主人於道者主人是亡者之子謂孝子葬竟而還而此往送葬之人與孝子於路相逢值也則遂之於墓者雖孝子已還而此送葬之人不及者不得隨孝子而歸仍自獨往於墓也凡主兄弟之喪雖疏亦虞之者此疏謂小功總麻喪事虞祔乃畢雖服總小功之疏彼既無主故疏總小功者亦為之主虞祔之祭案小記云大功者主人之喪有三年者則必為之再祭鄭注云小功總麻為之練祭可也與此不同者彼承大功有三年者此則總小功有三年者故至小祥同於三年故主虞祔也今此言疏者亦虞但虞者謂無服者勿友相為亦虞祔也故熊氏云主喪者於死者無服謂袒免以外之兄弟注正義曰經云虞而注連言祔者以祔與虞相近故連言之

凡喪服未畢有弔者則為位而哭拜踊注客始來主人

不可以殺禮待之音義

殺色反

正義曰凡喪服未畢者是喪服將終但未畢者

猶有餘日未滿其禮以殺若有人始來弔當為位哭踊不以殺禮而待新弔之賓也言凡者五服悉然

大夫之哭大夫弁經大夫與殯亦弁經注弁經者大夫

錫衰相弔之服也如爵弁而素加環經曰弁經音義

與音

預疏

正義曰大夫之哭大夫弁經者此謂成服以後大夫往弔哭大夫身著錫衰首加弁經大夫與殯亦

弁經者此謂未成服以前故與殯之時首亦加弁經其餘則異身著當時所服之服故士喪禮注云主人成服

之後往則錫衰主人未成服君亦不錫衰則著皮弁服也若此大夫主人未成服之前身亦皮弁服而弁經也

若主人未小斂之前則吉服而往不弁經也注正義曰案禮主人未成服之前小斂之後大夫著弁經而衣皮

弁服此云弁經大夫錫衰相弔者如鄭此意則經云大夫之哭大夫弁經經據主人成服之後故云大夫錫衰相弔之服但文在大夫與殯之上故南北諸儒皆以此大夫之哭大夫弁經是二歛之間怪其鄭注云錫衰所以各為異說今謂大夫之哭大夫廣解成服之後於義無妨但既成服之後又卻明與殯之前理亦弁經

大夫有私喪之葛則於其兄弟之輕喪則弁經注私喪

妻子之喪也輕喪總麻也大夫降焉弔服而往不以私

喪之末臨兄弟疏

正義曰私喪之葛者謂妻子之喪至卒哭以葛代麻之後是私喪之葛則

於其兄弟之輕喪則弁經者於此之時遭兄弟之輕喪總麻亦著弔服弁經而往不以私喪之末臨兄弟也若成服之後則錫衰未成服之前身著素裳而首服弁經也注正義曰既言私喪故知謂妻子之喪也葛謂卒哭

後也兄弟輕喪謂總麻也大夫降一等雖不服以骨肉之親不可以妻子之末服而往哭之故服弁經也

為長子杖則其子不以杖即位注辟尊者疏

正義曰父

則其子不以杖即位者其子長子之子祖在不厭孫其孫得杖但與祖同處不得以杖即位辟尊者

為妻父母在不杖不稽顙注尊者在不敢盡禮於私喪

也音義

稽徐音啟顙桑黨反

疏

正義曰此謂適子為妻父母見存不敢為妻杖又不可為妻稽顙故

云不杖不稽顙案喪服云大夫為適婦為喪主父為已婦之主故父在不敢為婦杖若父沒母在不為適婦之

主所以母在不杖者以父母尊同因父而連言母父沒母存為妻雖得杖而不得稽顙以杖與稽顙文連不杖屬於父在不稽顙文屬母在故云父母在不杖不稽顙而禮論范宣子申云有二義一者生存為在二者旁側

為在此云母在謂在母之側為妻不杖故問喪云則父在不敢杖矣尊者不在故也鄭云父在不杖謂為母案為母則削杖而云父在不杖謂為母也是父在謂在側之在若論語云君在踧踖如也此范氏之釋其義可通但父母在之文相連為一而父為存在之在母為在側之在又小記云父在庶子為妻以杖即位然庶子豈得父見在則庶子為妻得以杖即位乎是范義未安也今見具載之

母在不稽顙稽顙者其贈也拜注言獨母在於贈拜得

稽顙則父在贈拜不得稽顙疏

正義曰前明父母俱在故不杖不稽顙此明父

沒母在為妻得有稽顙不稽顙二義母在不稽顙者謂母在為妻子尋常拜賓之法也稽顙者其贈也拜者但父沒母在稍降殺於父故為妻得有稽顙稽顙之時其稽顙者有他人以物來贈已其恩既重其謝此贈之人

時為拜得稽顙故云其贈也拜於此拜時而得稽顙

違諸侯之大夫不反服違大夫之諸侯不反服注其君

尊卑異也違猶去也去諸侯仕諸侯去大夫仕大夫乃

得為舊君服疏

正義曰違去也去諸侯謂不便其君及辟仇也之往也已若本是諸侯臣如去

往仕大夫此是自尊適卑若舊君死則此臣不反服也言不反者謂今仕卑臣不可反服於前之尊君也違大夫之諸侯不反服者此謂本是大夫臣今去仕諸侯此是自卑適尊若猶服卑君則為新君之恥也故亦不反服舊君也注正義曰鄭以經尊卑不敵不反服若所仕敵則反服舊君服齊衰三月

喪冠條屬以別吉凶三年之練冠亦條屬右縫注別吉

凶者吉冠不條屬也條屬者通屈一條繩若布為武垂
下為纓屬之冠象大古喪事略也吉冠則纓武異材焉
右縫者右辟而縫之音義

別徐彼列反注同縫音達注同又扶用反大古音泰下大

古同材才再反又如字辟必亦反下同

小功以下左注左辟象吉輕也總

冠綵纓注綵當為澡麻帶經之澡聲之誤也謂有事其

布以為纓音義

綵依注音義終所銜反

疏

正義曰此一節明喪冠輕重之制各隨文解之此言

吉冠則纓與武各別喪冠則纓與武共材也條屬者屬猶著也謂取一條繩屈之為武垂下為纓以著冠故云條屬也言凶既異故云別吉凶也三年之練冠亦條屬右縫者三年練冠小祥之冠也雖微入言亦猶條屬與

凶冠不異也吉冠則攝上辟縫嚮左左為陽陽吉也而
凶冠縫嚮右右為陰陰喪所尚也過小祥猶條屬故縫
猶嚮右也小功以下左者小功以下輕故縫同吉嚮左
也總冠綠纓者總衰冠治縷不治布冠又用澡治總布
為纓以輕故也注正義曰云吉冠不條屬也條屬者通
屈一條繩若布為武垂下為纓屬之冠象大古喪事畧
也者釋喪冠條屬之意云吉冠則纓武異材焉者玉藻
云縞冠玄武之屬是異材也材謂材具經之綠字絲旁
為之非澡治之義故讀從喪服小記下殤澡麻帶經之
澡云謂有事其布以為纓者總麻既有事其縷就上澡
之是又治其布故云有事
其布以為纓謂縷布俱治

大功以上散帶注

小功總輕初而絞之疏正義曰小斂

賓襲經於序束小功以下皆絞之大功以
上散此帶垂不忌即成之至成服乃絞

朝服十五升去其半而總加灰錫也注總精麤與朝服

同去其半則六百縷而疏也又無事其布不灰焉音義

朝直遙反後朝服放此注同去起呂反注同

疏

正義曰朝服精細全用十五升布為之去其半而總者總

麻於朝服十五升布之內抽去其半以七升半用為總

麻服之衰服也鄭注喪服云去其半而總如絲是也加

反錫也者取總以為布又加灰治之則曰錫言錫然滑

易也注正義曰經云去其半而總始云加灰錫明此總

衰不加灰不治布故也

諸侯相襚以後路與冕服先路與襃衣不以襚注不以

已之正者施於人以彼不以為正也後路貳車貳車行

在後也音義

遂音

疏

正義曰諸侯相禭者禭謂以物送死用也以後路與冕服者後路為

上路之後次路也冕服謂上冕之後次冕也先路與褻衣不以禭者是已之車服之上不可以施遺於人以彼不以為正服所用也

遣車視牢具注言車多少各如所包遣奠牲體之數也

然則遣車載所包遣奠而藏之者與遣奠天子大牢包

九个諸侯亦大牢包七个大夫亦大牢包五个士少牢

包三个大夫以上乃有遣車音義

遣棄戰反注同下遣車遣奠皆放此與音

餘个古賀疏

正義曰遣車送葬載牲體之車也牢具遣奠所包牲牢之體貴賤各有數也一个為

一具取一車載之也故云視牢具注正義曰言車多少各如所包遺奠牲體之數也者以言視牢具故如其數云然則遺車載所包遺奠而藏之者與者以遺車所用無文因此視牢具故云載所包遺奠而藏之者與與疑辭也云天子大牢包九個以下者以既夕禮遺奠用少牢以上約之明大夫以上皆大牢包九個者以擅弓云國君七個遺車七乘則天子九個遺車九乘以下差降義已具於下擅弓疏云大夫以上乃有遺車者諸侯大夫位尊雖無三命則有車馬之賜及天子上士三命皆得有遺車諸侯士以下賤故無遺車也疏布韜

四面有章置于四隅注韜其蓋也四面皆有章蔽以隱

翳牢肉四隅椁中之四隅音義

章本或作鄭音同疏正義注亦同翳於計反

曰此經明載牢肉之時因以物章蔽疏布韜者韜蓋也以簾布為上蓋而四面有物章之入壙置於椁之四隅

載糗有子曰非禮也注糗米糧也音義

良反

喪奠脯醢

而已注言死者不食糧也遣奠本無黍稷音義

海醢

音疏

正義曰糗米糧也用遣車載糗遣亡人也而有子譏其為失也然既夕士禮有黍稷麥者但遣奠之饌無黍稷故遣車所載遣車之奠不合載糗既夕藏筭者謂遣奠之外別有黍稷麥喪奠脯醢而已者此亦有子之言也言死者不食糧故遣奠不用黍稷而牲體是脯醢之義也

祭稱孝子孝孫喪稱哀子哀孫注各以其義稱音義

稱義

昌升反又尺證反

疏

正義曰祭吉祭也謂自卒歿以後之祭也吉則申孝子心故祝辭云孝也或子或孫

隨其人也喪稱哀子哀孫者凶祭謂自虞以前祭也喪則痛慕未申故稱哀也故士虞禮稱哀子而卒歿乃稱

孝子也

端衰喪車皆無等注喪車惡車也喪者衣衰及所乘之

車貴賤同孝子於親一也衣衰言端者玄端吉時常服

喪之衣衰當如之音義

衣衰上於既反下七雷反下同疏正義曰端衰謂喪服上衣

以其綴六寸之衰於心前故衣亦曰衰端正也吉時玄端服身與袂同以二尺二寸為正而喪衣亦如之而今

用緣綴心前故曰端衰也喪車者孝子所乘惡車也惡車喪車也等等差也言喪之衣衰及惡車天子至士制

度同無貴賤等差之別也以孝子於其親情如一也注正義曰言喪車惡車也者既夕禮云主人乘惡車鄭云

主喪之木車也案鄭注巾車喪車凡五等巾車云木車滿蔽注云木車不漆者以蒲為蔽始遭喪所乘也素車

勞蔽注云素車以白土堊車墳麻以為蔽卒哭所乘藻
車藻蔽注云以蒼土堊車以蒼繒為蔽也既練所乘駟
車崔蔽注云駟車邊側有漆飾也以細葦席為蔽大祥
所乘漆車藩蔽注云漆車黑車漆席以為蔽禫所乘云
衣衰言端者玄端吉時常服喪之衣衰當如之者案喪
服記袂二尺二寸祛尺一寸其制正幅故云端此云端
衰則與玄
端同也

大白冠緇布之冠皆不蕤委武玄縞而后蕤注不蕤質

無飾也大白冠大古之布冠也春秋傳曰衛文公大布

之衣大白之冠委武冠卷也秦人曰委齊人曰武玄玄

冠也縞縞冠也音義

縞古老反又古報疏正義曰大白
反注同卷苦圓反疏者古之白布

冠也。緇布冠，黑布冠也。二冠無飾，故皆不蕤。此緇布冠，謂大夫士之冠，故不蕤。其諸侯緇布冠，則蕤，故玉藻云：「緇布冠，纁綌，諸侯之冠，是也。」委武，玄縞而后蕤者，委武皆冠卷也。秦人呼卷為委，齊人呼卷為武也。玄冠也。縞，縞冠也。玄縞二冠，既先有別卷，後乃可蕤，故云：「而后蕤也。」而大祥，縞冠亦有蕤，何以知之前？既云練冠亦條屬，右縫則知縞不條屬。既別安卷灼然有蕤也。注正義曰：「引春秋左傳曰：『衛文公大布之衣，大白之冠。』」證大白冠是布也。閔公二年冬，狄入衛，衛懿公為狄人所滅，傷二年齊桓公救而封之。衛文公以國未道，故不充其服，自貶損，所以大白冠大布衣也。

大夫冕而祭於公，弁而祭於己，士弁而祭於公，冠而祭於己。注：弁，爵弁也。冠，玄冠也。祭於公，助君祭也。大夫爵

弁而祭於已唯孤爾士弁而親迎然則士弁而祭於已

可也注緣類欲許之也親迎雖亦已之事攝盛服爾非

常也音義

迎魚敬反注同

疏

正義曰此一節明大夫士公私祭服大夫冕而祭於公者大夫謂孤

也冕絺冕也祭於公謂助君祭也弁而祭於已者弁爵弁也祭於已自祭廟也助祭為尊故服絺冕自祭為卑故服爵弁崔云孤不悉絺冕若王者之後及魯之孤則助祭用絺若方伯之孤助祭則玄冕以其君玄冕自祭不可踰之也士弁而祭於公冠而祭於已者弁謂爵弁也士以爵弁為上故用助祭也冠玄冕為卑也自祭不敢同助君之服故用玄冠也士弁而親迎然則士弁而祭於已可也者作記之人雖云士冠而祭於已以已既爵弁親迎親迎輕於祭尚用爵弁則士亦當用爵弁自祭於已廟可也言於禮可用也爵弁是記者緣事類欲

許之著爵弁注正義曰知弁爵弁也者與士弁連文士
弁祭於公爵弁故知大夫弁者亦爵弁也云大夫爵弁
而祭於己唯孤爾者以儀禮少牢上大夫自祭用玄冠
此亦云弁而祭於己者與少牢異故知是孤知非卿者
以少牢禮有卿賓尸下大夫不賓尸明卿亦玄冠不爵
弁緣類至常也者以祭親迎事類相似親迎既弁故自
祭欲許其著弁其理不可故鄭云親迎雖亦已之事攝
盛服爾非常著之服所以親迎攝盛服者以親迎配偶
一時之極故許其攝盛服祭
祀常所供養故須依其班序

暢曰以栒杵以梧注所以擣鬱也栒柏也音義擣反丁杵

以桑長三尺或曰五尺注杵所以載牲體者此謂喪祭

也吉祭杵用棘音義

杵音匕本又作杵音同
注同長直亮反下同

畢用桑長

三尺刊其柄與末注畢所以助主人於載者刊猶削也

音義

刊苦干反疏

正義曰此一節明吉凶暢及批畢之義各隨文解之暢者謂鬱也

桐杵以梧者謂擣也所用也桐柏也梧桐也謂以柏為白以桐為杵擣鬱也用柏白桐杵為柏香桐潔白於神為宜批以桑長三尺或曰五尺者批者所以載牲體從鑊以批升入於鼎從鼎以批載之於俎畢用桑長三尺刊其柄與末者主人舉肉之時則以畢助主人舉肉用桑者亦喪祭故也刊其柄與末謂畢末頭亦刊削之畢既如此批亦當然若吉時亦用棘注正義曰桐柏爾雅釋木云此謂喪祭也者以其用桑故知喪祭也云吉祭批用棘者特牲記云批用棘心是也

率帶諸侯大夫皆五采士二采注此謂襲尸之大帶率

緯也緯之不加箴功大夫以上更飾以五采士以朱綠

襲事成於帶變之所以異於生音義

率帶上音律下音帶本亦作帶緯音

律箴之疏

正義曰此謂尸襲竟而著此帶也率謂為帶也但緇帛邊而焚殺之不加箴功異於生也

以五采飾之亦異於生也大夫與諸侯同而士二采並異於生而尊者可同也然此士天子之士也諸侯之士則緇帶故士喪禮緇帶注正義曰知襲尸之大帶者以吉時大帶唯有朱綠玄華無五采此上連机畢用桑之下則知此亦喪之大帶小飲大飲衣數既多有絃不可加帶故知襲尸之大帶也以其稱率與大帶同故知是大帶也云襲事成於帶變之所以異於生者鄭以襲衣與生同唯帶與生異凡襲事著衣畢加帶乃成故云襲事成於帶變之異於生也

醴者稻醴也甕甔管衡實見間而后折入注此謂葬時

藏物也衡當為桁所以底甕甔之屬聲之誤也實見間

藏於見外椁內也折承席也音義

甕於貢反甕醴醴之器甔音武瓦器管所

交反竹器衡依注作桁戶剛反徐戶庚反底也見音間

廁之間棺衣也注同間如字注同徐古莧反一解云鄭

合見間二字共為覲字音古辯反折之設反注同形如

牀無足也底九委反又九偽反徐居倚反字亦作度同

疏正義曰此一經是送葬所藏之物醴者稻醴也者言
此醴是稻米所為甕者盛醴醴甔者盛醴酒管者盛
黍稷衡者以大木為桁置於地所以底舉於甕甔之屬
實見間見謂棺外之飾言實此甕甔管等於見外椁內
二者之間故云實見間而后折入者折謂椁上承席實
物椁內既畢然後以此承席加於椁上注正義曰知葬

時藏物也者言此甕甗筭衡實葬時所藏之物皇氏云甕甗筭明器也故實此醴於醢醢之屬云實見間藏於見外椁內也者案既夕禮乃定藏器於旁加見注云器用器役器也見棺飾也先言藏器乃云加見者器在見內也既夕禮又云藏苞筭於旁注云於旁者在見外也不言甕甗筭相次可知知是藏於見外椁內者則見內是用器役器見外是明器也此是士禮器實明器耳大夫以上則兼有人器明器也人器實明器虛云折承席也者案既夕禮注云折猶廢也方鑿連本為之蓋如牀而縮者三橫者五無簣筥事畢加之壙上以承抗席是也

重既虞而埋之注就所倚處理之音義

重直龍反埋亡皆反倚於倚反

處昌疏

正義曰案既夕禮初喪朝禭廟重止于門外之處反疏西不入重不入者謂將嚮祖廟若過之然故不

入明日自禰廟隨至祖廟庭厥明將出之時重出自道
道左倚之鄭注云道左主人位此注就所倚之處埋之
謂於祖廟門外之東也

凡婦人從其夫之爵位注婦人無專制生禮死事以夫
為尊卑

小斂大斂啓皆辯拜注嫌當事來者終不拜故明之也

此既事皆拜音義

辯音疏

正義曰禮凡當大斂小斂及
啟攢之時唯有君來則止事

而出拜之若他賓客至則不止事事竟乃即堂下之位
悉偏拜故云皆辯拜也注正義曰嫌當三事終竟不拜
故明竟即拜也云此既事皆拜者皆拜即此云辯拜二
事也然若士當事而大夫至則士亦為大夫出也故雜

記下云當袒大夫至雖當踊絕踊而拜之反改成踊乃襲是也

朝夕哭不帷注緣孝子心欲見殯殯也既出則施其屋

鬼神尚幽闇也音義

惟位悲反下同殯以二反埋棺之坎屋宇林戶臘反閉也纂文云古

闕字玉篇羌據公疏

正義曰孝子心欲見殯故當朝夕進入廟門內哭位之時除去殯宮

帷也哭竟則帷之注正義曰案士喪禮君使人弔徹帷鄭云徹帷屋之事畢則下之鄭此注會儀禮注也則屋是褻舉之名初哭時則無柩者不帷注謂既葬也棺柩

已去鬼神在室堂無事焉遂去帷音義

去起呂反疏正義曰

葬後也神主祔廟還在室則在堂無事故不復用帷也

君若載而后弔之則主人東面而拜門右北面而踊出

待反而后奠注主人拜踊于賓位不敢迫君也君即位

車東出待不必君留也君反之使奠疏正義曰謂君來弔臣之葬臣喪

朝廟柩已下堂載在柩車而君弔之故云君若載而后弔之則主人東面而拜者君既弔位於車東故主人在

車西東面而拜門右北面而踊者門謂祖廟門也右西邊也若門外來則右在東若門內出右在西此據車出

家故右在西孝子拜君竟從位立近門內西邊北面而哭踊為禮也出待者孝子卒踊畢而先出門待君者君

來則出門拜迎君去則出門拜送也今君入臨弔事竟便應去不敢必君之久留故孝子先出待君出反而后

奠者反謂君來未去使人命孝子反還喪所也而后奠者凡君來必設奠告柩知之也或云此謂在廟載柩車

時也奠謂反
設祖奠也

子羔之襲也繭衣裳與稅衣纁衽為一素端一皮弁一
爵弁一玄冕一曾子曰不襲婦服注繭衣裳者若今大
襦也纁為繭緇為袍表之以稅衣乃為一稱爾稅衣若
玄端而連衣裳者也大夫而以纁為之緣非也唯婦人
纁衽禮以冠名服此襲其服非襲其冠曾子譏襲婦服
而已玄冕又大夫服未聞子羔曷為襲之玄冕或謂為
玄冠或為玄端音義

繭古典反稅他喚反注同纁許云
反衽字又作衽而占反裳下襜也

王肅云婦人蔽膝也襦音燭統字又作續音曠縕疏正義
于粉反袍薄勞反稱尺證反下放此緣悅絹反
曰此明大夫死者襲衣稱數也繭衣裳者續為繭謂衣
裳相連而綿續著之也與稅衣者稅謂黑衣也若玄端
而連衣裳也玄端多種今衣裳連是玄端玄端玄裳也
繭裋為一者繭絳也裋裳下緣襪也以絳為緣故云稅
衣裳與稅衣繭裋為一也素端一者此第二稱也以服
既不褻並無復別衣表之也盧云布上素下皮弁服賀
場云以素為衣裳也皮弁一者第三稱也十五升白布
為衣積素為裳也爵弁一者第四稱也玄衣繭裳也玄
冕一者第五稱也大夫之上服也曾子曰不襲婦服者
曾子非之繭裋是婦人之服而子羔襲用之故曾子譏
之依禮不合襲婦人之服注正義曰禮以冠名服此襲
其服非襲其冠者鄭恐經云皮弁爵弁但云冠不云服
恐襲其冠不襲其服故云以冠名服此襲其服非襲其

冠云曾子譏襲婦服而已者鄭意以曾子但譏婦服而已不識其著玄冕之服是子羔合著玄冕子羔為大夫無文故注云未聞子羔曷為襲之

為君使而死公館復私館不復公館者公宮與公所為也私館者自卿大夫以下之家也注公所為君所作離

宮別館也音義

為于偽反又如字使色吏反復音伏館本亦作觀音同

公七踊大夫五踊婦人居間士三踊婦人皆居間注公君也始死及小斂大斂而踊君大夫士一也則皆三踊矣君五日而殯大夫三日而殯士二日而殯士小斂之

朝不踊君大夫大斂之朝乃不踊婦人居間者踊必拾

主人踊婦人踊賓乃踊音義

反其下同疏正義曰此一經

死在室殯踊節及明貴賤踊數也公諸侯去死日五日而殯則合死日六日也七踊者始死一踊明日襲之時

又一踊襲明日朝又明日小斂朝一踊為四也其日晚小斂時又一踊是小斂日再踊就於前三日為五也小

斂明日朝又踊為六也至明日大斂之朝不踊當大斂時乃踊凡為七踊也大夫五者大夫三日殯合死日為

四日始死一明日襲朝一又明日小斂日再小斂明日大斂凡五也士三者士二日殯合死日數也始死一小

斂朝不踊至小斂時一又明日大斂一是凡三也婦人皆居間者謂婦人與丈夫更踊也男子先踊踊畢而婦

人踊踊畢賓乃踊婦人居賓主之間也又云皆居間者言皆於貴賤婦人悉居賓主間也然親始死及動尸

舉柩哭踊無數今云七五三者謂為禮有節之踊每踊輒三者三為九而謂為一也

公襲卷衣一玄端一朝服一素積一纁裳一爵弁二玄冕一褻衣一朱綠帶申加大帶於上注朱綠帶者襲衣

之帶飾之雜以朱綠異於生也此帶亦以素為之申重也重於革帶也革帶以佩韍必言重加大帶者明雖有

變必備此二帶也士襲三稱子羔襲五稱今公襲九稱

則尊卑襲數不同矣諸侯七稱天子十二稱與音義

卷音

衾重直龍反又疏

正義曰此一經明襲用衣稱卷冕之制公襲以上服最在內者公身貴故

以上服親身欲尊顯加賜故褒衣最外而細服居中也
子羔賤故卑服親身也玄端一者賀云燕居之服玄端
朱裳也朝服一者緇衣素裳公日視朝之服也素積一
者皮弁之服公視朔之服也纁裳一者賀云冕服之裳
也亦可驚義任取中間一服也爵弁二者玄衣纁裳二
通也此是始命之服示之重本故二通也招魂君亦用
爵弁服也玄冕之下又取一也褒衣一者所加賜之衣
最上華君賜也自卷衣至此合爵弁二通合九稱朱綠
帶者諸侯襲尸除五采之大帶外又別有此帶以素為
之而朱綠飾之亦異於生時也申加大帶於上者申重
也謂已用此朱綠小帶結束之今重加大帶於革帶之
上者象生時大帶也用素為之士則二采大夫諸侯皆
五采飾之故前云率帶諸侯大夫皆五采士二采鄭云
此謂襲尸之大帶也鄭既謂前為襲尸之大帶此重言
加大帶是用襲尸如一故知前所言即此大帶也注正
義曰云朱綠帶者襲衣之帶飾之雜以朱綠異於生也

者此帶既非革帶又非大帶祇是衣之小帶衣之小帶用素故云亦以素為之云申重也者釋詁文云重於革帶也者謂於革帶之上重加此大帶知非對小朱綠帶為重者以朱綠小帶散在於衣非是總束其身若總束其身唯有革帶大帶故知對革帶為重者云必言重加大帶者明雖有變必備此二帶也者解經文申加之字既無革帶何以又大帶云申者必見革帶與大帶皆有明雖有變必備此二帶云士襲三稱以下者鄭欲歷明天子諸侯以下襲之數士喪禮襲三稱前文子羔襲五稱此文公襲九稱是尊卑襲數不同唯天子諸侯無文故約之云諸侯七稱天子十二稱與與者疑辭也

小斂環經公大夫士一也注環經者一股所謂經也

士素委貌大夫以上素爵弁而加此經焉散帶音義直

連疏正義曰環經一股而纏也親始死孝子去冠至小反故不可無飾士素委貌大夫以上素弁而貴賤悉得加於環經故云公大夫士一也注正義曰知以一股所謂纏經者若是兩股相交則謂之絞今云環經是周迴纏繞之名故知是一股纏經也又鄭注弁師云環經者大如總之麻經纏而不糾今此所謂彼經注也知士素委貌者武叔投冠括髮諸侯之大夫當天子之士也云大夫以上素爵弁者雜記云大夫與殯亦弁經以大夫與他殯尚弁經則其子弁經明矣諸侯以上尊固宜弁經

公視大斂公升商祝鋪席乃斂注喪大記曰大夫之喪將大

斂既鋪絞紼衾君至此君升乃鋪席則君至為之改始新之

也音義

鋪普吳反一音升胡反又音敷疏正義曰公君也紼其鵠反絞户交反為于偽反明君臨臣喪犬

斂禮也公升商祝鋪席乃斂者公升謂君來升堂時商祝主斂事者也此臣喪大斂君未至之前主人雖已鋪席布絞紼衾間君將來至則主人散徹去之比君至升堂而商祝更鋪席待君至乃斂也所以然者重榮君來為新之也亦示若事由君也

魯人之贈也三玄二纁廣尺長終幅注言失之也士喪

禮下篇曰贈用制幣玄纁束帛音義

廣古曠反長直疏亮反幅方服反

正義曰記魯失也贈謂以物送亡人於槨中也贈別用玄纁束帛三玄二纁故既夕禮曰贈用制幣玄纁束帛今魯人雖三玄二纁而用廣尺長幅不復丈八尺則失禮也

弔者即位于門西東面其介在其東南北面西上西於

門注賓立門外不當門音義

介音界後皆同

主孤西面注立於

阼階下相者受命曰孤某使某請事客曰寡君使某如

何不淑注受命受主人命以出也不言擯者喪無接賓

也淑善也如何不善言君痛之甚使某弔音義

相息亮反下皆

同相者入告出曰孤某須矣注稱其君名者君薨稱子

某使人知適嗣也須矣不出迎也音義

適丁歷反

弔者入主

人升堂西面弔者升自西階東面致命曰寡君聞君之

喪寡君使某如何不淑子拜稽顙弔者降反位注子孤

子也降反位者出反門外位無出字脫疏

正義曰自此以下終於篇

末明諸侯相弔含贈賵之禮今各隨文解之從此至反位明弔禮弔者即位于門西者謂主國大門之西其介在其東南北面上者以其凶事異於吉故介在東南北面西上以使在門西故也相者受命者相者相主人傳命者也不稱擯而言相者鄭云喪無接賓故不言擯此對例耳若通而言之吉事亦云相故司儀云每門止一相又大宗伯云朝覲會同則為上相凶事亦稱擯故喪大記云君弔擯者進又案士喪禮賓有祔擯者出請入告是也出曰孤某須矣者孤謂嗣子也某為嗣子之名必稱嗣子名者欲使使者知適嗣之名故鄭引公羊傳云君薨稱子某但公羊對殯之辭稱子某此對賓之辭故稱孤某云須矣者異於吉禮不出迎故云須矣主人升堂西面者謂從阼階升也知者以弔者升由西階故也又下文孤降自阼階拜之明升亦阼階也曲禮云

升降不由阼階者或大夫士也或平常無賓時也子拜稽顙者不云孤某而稱子者客既有事於殯故稱子以對殯之辭也以卜皆然若對賓之辭則稱孤某也

含者執璧將命曰寡君使某含相者入告出曰孤某須

矣注含玉為璧制其分寸大小未聞音義

含本又作哈說文作琯同

胡閭反下同

含者入升堂致命子拜稽顙含者坐委於殯東

南有葦席既葬蒲席降出反位注言降出反位則是介

也春秋有既葬歸含贈襚無譏焉皆受之於賓宮音義

襚音遂

宰夫朝服即喪屨升自西階西面坐取璧降自西

階以東注朝服告鄰國之禮也即就也以東藏於內也

疏

正義曰此一經明含禮執璧者含玉為璧制鄭云分寸大小未聞含之所用已具檀弓疏含者坐委於殯

東南有葦席既葬蒲席者謂含者坐委所含之璧于殯之東南席上未葬之前有葦席承之既葬以後則以蒲席承之宰夫朝服即喪屨者宰謂上卿也言夫衍字朝服者吉服也必用吉服者以鄰國執玉而來執玉不麻故著朝服以仍在喪不可純吉故即喪屨也此遭喪已久故嗣子親受禮宰著朝服若新始遭喪則主人不親受使大夫受於殯宮故聘禮云聘遭喪入竟則遂也鄭云遭喪主國君薨也聘禮又云不筵几鄭云致命不於廟就尸柩於殯宮聘禮又云遭喪將命於大夫主人長衣練冠以受注正義曰言降出反位則是介也者以此經直云降出反位不知何人反位前文云弔者降反位則此謂含者降反位即弔者既為上賓故下文云上客

臨注云上客弔者既為上客明含者是介也云春秋有既葬歸含贈襚無譏焉皆受之於殯宮者案左傳隱元年天王使宰宣來歸惠公仲子之賵歸惠公賵緩也公羊亦云其言來何不及事也是左氏公羊皆譏其緩云無譏者取穀梁之義故文五年穀梁云王使榮叔歸含且賵不言來不周事之用也明宰咺言來得周事也是宰咺歸賵穀梁不譏是既葬歸含且賵無譏也穀梁所以不譏宰咺者釋廢疾云平王新有幽王之亂遷於成周欲崇禮於諸侯原情免之若無事而晚者去來以譏之榮叔是也文九年秦人來歸僖公成風之襚最晚不譏者釋廢疾云以其穀敗兵無休時君子原情不責晚也鄰國來弔不敢純凶待之而著朝服是以吉待鄰國之禮所以必用吉服以待鄰國者以己國遭喪他國是吉不可以喪禮待於他國故以吉禮待之此弔者既為上客又賵者是上介則此含者襚者當是副介末介但含襚於死者為切故在先陳之

禭者曰寡君使某禭相者入告出曰孤某須矣禭者執
冕服左執領右執要入升堂致命曰寡君使某禭子拜
稽顙委衣於殯東注亦於席上所委璧之北順其上下

音義

要一遙反

禭者降受爵弁服於門內雷將命子拜稽顙

如初受皮弁服於中庭自西階受朝服自堂受玄端將
命子拜稽顙皆如初禭者降出反位注授禭者以服者

賈人音義

雷力救反賈音嫁

宰夫五人舉以東降自西階其舉

亦西面注亦西面者亦禭者委衣時疏

正義曰此一節明禭禮按上文

舍者稱執璧下文贈者稱執圭則此綬者當稱執衣不
云者文不備也以下文云綬者執冕服故於此畧之注
正義曰以璧委於席上今衣而委於璧北故云亦於席
上所委璧之北以經文先舍而後綬則舍重而綬輕所
委殯東西面南頭為上故云順其上下謂上者在前下
者在後按聘禮有賈人故知授綬者之服是賈人也上
云委衣于殯東又云受爵弁受皮弁玄端皆云如初是
皆在殯東西面而嚮殯今云舉者亦西面是亦如綬者
西面也其服重者使執而入爵弁受於內雷皮弁受於
中庭朝服受於西階玄端受於堂既受處不同則陳於
壁北亦重者在南凡諸侯相綬衣數無文據
此其服有五又先路褰衣不以綬以外無文

上介贈執圭將命曰寡君使某贈相者入告反命曰孤
某須矣陳乘黃大路於中庭北輶執圭將命客使自下

由路西子拜稽顙坐委於殯東南隅宰舉以東注輶輅

也自率也下謂馬也馬在路之下覲禮曰路下四亞之

客給使者入設乘黃於大路之西客入則致命矣使或

為史音義

賜芳鳳反孫須矣從此盡篇末皆無某字有者非乘繩證反注同輶竹由反車輅也

疏

正義曰此一節明賜禮陳乘黃大路於中庭北輶者乘黃謂馬也大路謂車也陳四黃之馬於大路之西於殯宮中庭北輶者謂大路輶輅北嚮也客使自下由路西者客使謂使客之從者也為客所使故曰客使也自率也下猶馬也由在也路即大路也陳路北輶既竟賜客執圭升堂致命而客之從者牽馬設在車之西也馬云客使設之則大路亦使設之也注正義曰自率也者按爾雅釋詁文率自也展轉相訓是自得為率云下謂馬

也者凡陳車馬馬在車下故云下謂馬也引覲禮曰路
下曰亞之者證馬為下也四亞之謂馬四足亞次路車
也云客給使者入設乘黃於大路之西者解經中客使
自下由路西也但喪禮車馬以屬主人故路在東統於
主人也若尋常吉禮車馬為賓而設則路在馬西故覲
禮路下四亞之注云亞之次車而東是車在西統於賓
也按既夕禮車以西為上者彼謂死人而設於鬼神之
位凡贈隱元年公羊傳云贈者蓋以馬以乘馬束帛車
馬曰贈貨財曰賻衣被曰襚穀梁云乘馬曰贈衣衾曰
襚貝玉曰含錢財曰賻按既夕禮云贈馬兩無車者士
卑不合有車何休云周制謂士無車非也此禮記陳乘
黃大路則周制有車穀梁直云乘馬曰贈無車者文不
備也散而言之車馬亦曰襚故前文云諸侯相襚以後
路是也此無賻賻是加厚非常故也故宰夫注云其間
加恩厚則有賻焉雖有貨亦有馬故少儀云賻馬不入
廟間是也既夕有贈者贈施於死必及葬節此未必一

當葬時贈既夕有奠此無奠者以奠主於親者故既夕
禮云兄弟贈奠所知則贈而不奠此諸侯相與既疏故
無奠按釋廢疾云天子於諸侯合之贈之諸侯於卿大
夫如天子於諸侯諸侯於士如天子於諸侯臣之贈
之天子於二王之後舍為先祔則次之贈為後諸侯相
與如天子於二王後鄭知天子於二王後舍祔贈者為
約此雜記兩諸侯相敵明天子於二王後亦相敵也知
諸侯亦然者約雜記云鄭知天子於諸侯舍贈者約文
五年榮叔歸舍且贈三傳但識兼禮不識其數是也鄭
知天子於諸侯臣祔之贈之者約士喪禮諸侯於士有
祔有贈明天子於諸侯臣亦然鄭知諸侯於卿大夫如
天子於諸侯者更無所尊明尊此卿大夫舍之贈之也
凡此於其妻亦如其夫知者約宰咺來歸惠公仲子之
贈又約魯夫人成風之喪王使榮叔歸舍且贈以外推
知此可

凡將命鄉殯將命子拜稽顙西面而坐委之宰舉璧與
圭宰夫舉襚升自西階西面坐取之降自西階注凡者
說不見者也鄉殯將命則將命時立於殯之西南宰夫
宰之佐也此言宰舉璧與圭則上宰夫朝服衍夫字音

義

鄉許亮反注同見賢遍反

疏

正義曰此一經廣明從上以來弔舍

命鄉殯者在殯之西南東北面鄉殯西面而坐委之者謂將命既畢子拜稽顙之後將命者來就殯東西面而坐委之宰舉璧與圭者主者主人上卿坐舉含者之璧與瑁者之主宰夫舉襚者謂宰之屬官舉此襚者之衣升自西階西面坐取之者謂宰與宰夫欲舉時升自西階不敢當孤主之位來鄉殯東席之東西鄉坐取之降自西

階也注正義曰此一經將命言凡是總說上文前文所
不見者則上宰夫朝服衍夫字者以此經既云宰舉璧
與主宰夫舉襍按上宰夫朝服取璧既云
取璧明是宰也非宰夫故知夫為衍字
贈者出反位

於門外注乃著言門外明禮畢將更有事

上客臨曰寡君有宗廟之事不得承事使一介某相

執縛注上客弔者也臨視也言欲入視喪所不足而給

助之謙也其實為哭耳音義

臨如字徐力鴛反注及下同介音界舊古賀反相息

亮反縛音弗為于偽反

相者反命曰孤某須矣臨者入門右介者

皆從之立於其左東上注入門右不自同於賓客宗人

納賓升受命於君降曰孤敢辭吾子之辱請吾子之復
位客對曰寡君命某毋敢視賓客敢辭宗人反命曰孤
敢固辭吾子之辱請吾子之復位客對曰寡君命某毋
敢視賓客敢固辭宗人反命曰孤敢固辭吾子之辱請
吾子之復位客對曰寡君命使臣某毋敢視賓客是以
敢固辭固辭不獲命敢不敬從注賓三辭而稱使臣為
恭也為恭者將從其命音義寡君命絕句下放此母音
無下同使色吏反注同為
如字舊客立於門西介立於門左東上孤降自阼階拜
于偽反

之升哭與客拾踊三注拜客謝其厚意音義拾其客出

劫反

送於門外拜稽顙注不迎而送喪無接賓之禮疏

正義曰此

一節明弔含禭贈既畢上客行臨哭之禮使一介老某相執紼者某者上客名也相助也謙言使一介老臣某助主人執其葬紼其實為哭而來謙言助執紼耳一介者言已使來唯有一人為介謙辭耳其實介數各下其客二等臨者入門右介者皆從之立於其左東上者不敢自同賓故入門右從臣位宗人納賓升受命於君者謂主國宗人掌禮欲納此弔賓先受納賓之命於主國嗣君降曰孤敢辭吾子之辱請吾子之復位者此宗人受嗣君之命後下階請客之辭也復位者欲令在門西客位也宗人反命者謂反此客之辭命於嗣君曰孤敢固辭者是宗人受嗣君之命以告客云孤敢固辭前文云孤某須矣此直云孤不云某者以親對客辭客是使

臣故不復稱名也按左傳昭三十年云君之喪士弔大夫會葬文襄之霸君喪大夫弔卿會葬此上客者若於古禮士也若於文襄則大夫也云一介老某者則若曲禮云七十使於四方稱老夫之類前四禮客皆在門西此臨在門東者前者四禮皆是奉君命而行如聘禮聘之與享也此臨是私禮若聘禮私覲故在門東注正義曰上云孤某須矣是不出迎所以不迎者以主人在喪身既悲感無暇接賓之禮主拜送者謝其勞辱來也

其國有君喪不敢受弔注辟其痛傷已之親如君音義

辟音避下疏

正義曰此謂國有君喪而臣又有親喪則辟之同不敢受他國賓來弔也以義斷恩哀痛主

於君不私於親也

外宗房中南面小臣鋪席商祝鋪絞紼衾士盥於盤北

舉遷尸於斂上卒斂宰告子馮之踊夫人東面坐馮之

興踊注此喪大記脫字重著於是音義

盥音管斂力劒反下同馮皮氷

反本或作憑下同

脫音奪重直用反疏正義曰此一經是喪大記君喪之節於此重記之但大記云夫人東

面亦如之此云夫人東面坐馮興踊惟此四字別義皆同也

士喪有與天子同者三其終夜燎及乘人專道而行注

乘人謂使人執引也專道人辟之音義

燎力召反又力弔反乘繩證反

注同引以刃反

疏

正義曰言士喪與天子三事同也其一音餘力反終夜燎一也及乘人二也專道而行

三也終夜燎謂柩遷之夜須光明故竟夜燎也乘人謂人引車不用馬也既夕禮云屬引鄭引古者人引柩專

道行謂喪在路不辟人也三
事為重故云與天子同也

禮記注疏卷四十一

禮記注疏卷四十一考證

有三年之練冠則以大功之麻易之疏先師解此凡有

三義按聖證論云范宣子之意云云○臣召南按三

義即范宣子及賀瑒庾蔚之三說而孔氏斷從庾說也聖證論是魏時王肅所撰以難鄭學者范宣子即東晉范宣在肅之後肅何緣得引之後文為妻父母在不杖不稽顙疏引禮論范宣子申云可知此文聖證論三字係禮論二字之訛也

則練冠附於殤句稱陽童某甫句不名神也○此注疏

讀也陳澠讀則練冠附句於殤稱陽童某甫句不名

神也臣名南按上文已云附兄弟之殤則注疏讀為

是

主妾之喪則自祔句至於練祥皆使其子主之句○臣

名南

按祔必自為以尊祖也練祥使其子主之異正

嫡也此謂攝女君之妾故曰主妾之喪若凡妾則不得為主皆使其子自主之而已疏甚分明

為妻父母在不杖不稽顙疏父沒母存為妻雖得杖而

不得稽顙○

臣召南

按陳澧疑此文並言父母為詞

害意但下文即云母在不稽顙則詞意本自了然也

孔疏自明

朝服十五升

句

去其半而總

句

加灰錫也

句

○此注疏

讀也陳澧讀而總加灰

句

錫也

句

端衰喪車皆無等注貴賤同孝子於親一也○

臣召南

按此文則斬衰之服貴賤一致與中庸孟子正合此

先生之定制前經所記大夫為其父母兄弟之未為大夫者之喪服如士服士為其父母兄弟之為大夫者之喪服如士服非也當以此文正之

士二采疏此天子之士也諸侯之士則緇帶故士喪禮

緇帶○

臣召南

按本文明與士喪禮不合疏以天子

之士強解之然上句言諸侯大夫皆五采豈是天子之大夫也又大夫不應與諸侯同此類禮文殘缺無可考正注疏皆為之辭耳

實見間而后折入音義見音間廁之間棺衣也○

臣名

南按既夕禮乃窆藏器於旁加見音義云見音賢遍

反則與此音畧異疏引既夕注見棺飾也原文又云
更謂之見者加此則棺柩不復見矣解見字為最明
惜不全引之

公大夫士一也疏雜記云大夫與殯亦弁經以大夫○
此下舊本闕六字細玩文義以大夫與他殯尚弁經
則其子弁經明矣似無闕文

弔者即位於門西東面○

臣召南

按諸侯喪禮僅存此

經言弔含禭贈及臨數節耳鄭注士喪禮有禭者則將命擯者出請入告主人待於位云擯者出請之辭曰孤某使某請事又注擯者出告須以賓入云出告之辭曰孤某須矣即約此經語以補士喪禮也

宰夫朝服即喪屨升自西階西面坐取璧○

臣召南

按

此文當云宰朝服夫字衍也說見後文凡將命注蓋此節宰夫涉於下文宰夫五人而衍者也

上客臨疏前者四禮皆是奉君命而行如聘禮聘之與
享也此臨是私禮若聘禮私覲故在門東○
臣召南
按此疏甚確若細分別之弔含贈如聘禮祿如享禮
賻則亦享之屬也臨則使者之私覲耳

終夜燎疏謂遷柩之夜須光明故竟夜燎也○

臣召南

按士喪禮曰宵為燎於中庭厥明滅燎是其事也大
斂之夕已然不惟遷柩時矣

禮記注疏卷四十一考證

謹案卷四十第二頁前四行疏云予使有之者刊
本予訛與據注改

第三頁前八行疏封康叔以綰茂刊本監本茂訛
茂據左傳改

第四頁後三行疏故去輔也刊本去訛云今改
後六行疏升自阼階者刊本阼訛作又殞於兩楹
之間刊本兩訛雨今並改

第五頁後五行疏至於阼階下刊本階訛阼今改

第六頁後一行疏載以輜車刊本輜訛輜今改

後六行疏以輜為輪諸本輜訛輜據宋本改

第七頁前三行疏輜與輜軸諸本輜訛輜下同並
據宋本改

第十一頁前一行疏邑宰之士居堊室刊本室訛
宗今改

第十二頁後一行疏以苴麻為首經要帶諸本首
訛苴據宋本改

第十四頁前一行疏哭泣之哀諸本哀訛哀據宋本改

後四行疏杜元凱注左傳刊本左傳訛傳云今改第十六頁前一行疏謂暫為喪主諸本主訛用據宋本改

第二十頁前二行疏上所褒賜之衣刊本上訛尚今改

前六行疏以重繒為之諸本重訛裏據宋本改

後七行疏謂內子初嫁為卿妻諸本嫁訛始據宋
本改

第二十二頁後三行疏士去魚不躍拂池故也刊
本訛不字於去字上今改

第二十四頁前七行疏是以配祭王母刊本以訛
其今改

第二十五頁前四行疏案公羊傳云刊本案訛宋
今改又君當稱子某諸本稱訛宋據宋本改

卷四十一第四頁後四行疏大功以上刊本上訛
生今改

第九頁後二行疏總布為纓刊本總訛總今改

第十一頁前三行疏包九个者諸本者訛皆據宋
本改

第十四頁後四行疏於神為宜刊本宜訛宣今改
第十七頁前三行音義閑也刊本閑訛閑今改
前六行疏初哭時則褻舉刊本則訛者今改

金定四庫全書
後六行疏孝子卒踊畢刊本畢訛異今改

第十八頁前八行音義又作柎刊本柎訛柎據釋

文改

第十九頁後七行疏是凡三也刊本凡訛明今改
第二十一頁前五行疏諸侯無文故約之云八字

諸本訛在節末據宋本移正

後七行注諸本脫君至此君升五字據宋本增

第二十三頁後一行疏客既有事於殯刊本殯訛

實今改

第二十六頁前四行音義竹由反刊本竹訛行今

改

第二十七頁前六行疏更無所尊刊本尊訛西今

改

第二十九頁前四行疏其實介數各下其客二等

刊本各訛客今改

後二行疏若於古禮諸本古訛吉據宋本改



覆校官編修臣張秉愚

校對官庶吉士臣許兆椿

膳錄舉人臣丁兆隆

膳錄舉人臣葉大奇